



14  
1544  
108





14

1544

108



44  
154  
108

四歌 瑞成 作  
瑞成 瑞成 作  
瑞成 瑞成 作

瑞成 瑞成 作



廣漢張玉溪選

# 四家選集

錢塘袁子才枚丹 王夢樓文治  
陽湖趙雲松翼 綿州李雨村調元

## 四家選集詩序

詩自三百篇後開詩學一門詩者所以寫人性靈也  
漢魏以前風氣渾穆性靈多見於直古六朝以後漸  
趨萎靡性靈多藏於濃綺自唐而詩法大備格律森  
嚴聲調雄整性靈與詞藻並行宋詩清麗芊綿氣格  
稍清純用性靈不講聲律元則反宋而流為纖新明  
則學唐而流為庸濶盛之刺繡紋象其花枝葉雖鮮  
明而生機失天趣矣性靈者人之天趣也人心之不  
同於面性靈之不一亦如其人各有我在不相襲也  
我



朝

文教覃敷詩學大盛自鴻博諸前輩出宏章鉅製獨  
冠千古而海內所宗尤以漁洋為壇主然專取聲色  
刻意修飾詞雖好而性靈泯矣予自束髮受書即於  
詩有天性之好而於近人詩家中其能以書卷寫  
其性靈以神氣露其天趣者首推近日林下四老詩  
四老者皆乾隆中進士人稱乾隆四子其一為錢塘  
袁子才先生諱枚字簡齋己未庶常館改授江南  
泲陽令調江寧乞歸卜居金陵之隨園以終老其一  
為丹徒王夢樓先生諱文治字禹卿庚辰探 化授編  
修陞侍讀出守臨安降調歸即不出山留心

其一為陽湖趙雲松先生諱翼字甌北辛巳由編修  
出守鎮安官至貴西道乞歸其一為綿州李雨村先  
生諱調元字美堂癸未庶常散館改吏部主事陞員  
外提學廣東官通水道乞歸四老惟子才壽最高年  
八十夢樓雲松亦七十餘雨村亦六十餘此四老皆  
又由太史至外任且現居林下而其詩皆以性靈為主  
又善用典以寫其天趣者也余讀其稿而愛之因選  
其中之一二名曰林下四家選集以為讀本非敢  
於問世也適容有勸余付梓者遂為序其大畧以公  
諸同好云乾隆六十年正月初十日廣漢張懷桂玉



小倉選集序

溪氏撰

其十中之... 又書用典... 又由太史... 八下書... 小倉選集序

小倉選集序

歐陽文忠公謂詩必窮者而後工此殆不然詩必富者而後工也非富於學則萬卷不破非富於材則萬象不該記所謂多文以為富者正謂此也錢塘朱子才先生今代之富於詩者也其學富故出語邁李杜其才富故落筆無古今而又家本富豪少擬魏科遂入詞館其年富出宰上元其力富不幾即築室于江陵名曰隨園其一切飲食起居無一不豐贍以是發而為詩其富豈可及乎夫世之所謂窮而工詩者吾知之矣諸子百家束之高閣此腹之窮也詹詹小言不見

小倉選集序



江河此眼之窮也而又華門圭竇藜藿不充以是為  
詩其學不足以瞻其用其才不足以達其辭猶之室  
如懸磬家無檐石舟其堂則聊蔽風雨而已視其身  
則捉衿見肘而已以是為工非俗即鄙非怪即誕豈  
尚有黃鐘大呂之音清廟明堂之細音出於其中哉夫  
以子才先生才學如此之富何不修其身居廊廟黼  
黻皇猷燕許文章姚宋事業必有偉然可觀者而顧  
使之終老園圃嘯傲林泉慷慨抑揚凌轢百代自成  
一八六言天之愛人之欲其專力於詩以成其名故  
使三毫毫毫得罄其懷抱乎此先生亦必不以彼

而易此也予幼隨先君宦浙得其制藝伏而讀之  
不忍釋手後從內翰程魚門處得甘肅小倉山房詩集  
亦伏而讀之不忍釋手適余有粵東担學之命不敢  
自秘因梓而行之以為多士式諸生勉乎哉余詩  
不足學詩生其學袁詩可也綿州李調元撰



自林園林而行人必為之止或謂其命不短  
亦必為之止或謂其命不短亦必為之止  
亦必為之止或謂其命不短亦必為之止  
亦必為之止或謂其命不短亦必為之止

小倉選集卷一

錢塘袁枚子才著  
廣漢張懷漣玉溪選

雜詩

咸陽赤帝子。高山白髮翁。千秋俱有名。兩人道不同。  
當時頑鈍士。貪立尺寸功。發縱為鷹犬。忍辱相追從。  
一旦大事定。烏盡無遺弓。須知殺人機。即在嫚罵中。  
韓彭終不悟。畢竟非英雄。旁有四老人。長嘯看青穹。  
黃金四萬斤。列爵封上公。箕踞以相奉。棄之如蒿蓬。  
有時為漢來。龍見未央宮。有時捨漢去。鶴飛大海空。



炎漢有興哀白雲無始終

韓信再入朝。噲等俱公侯鬱鬱未一年。噲貴信且囚。使信向噲拜。噲寧知恥不微生歎。何物高坐呼孔邱。丈夫重意氣。力欲爭上流。偶然停僦足。一落千丈溝。天命自有權。此處非人謀。朝廷兩三級。挽以十萬牛。雖有飛雲足。不如乘風舟。中流偶失舵。一壺千金酬。此意不能達。皇天如冤仇。所以張子房。寧與赤松遊。天地有春秋。來往不能了。不為拘者多。不為達者少。達者貴行樂。行樂還須早。使我明日饑。我已今日飽。使我明年死。我已今年好。不得行胸臆。頭白亦為天。

苟得快須臾童殤固已老

入山愁我貧。出山愁我身。我貧猶自可。所愁戚與親。我身猶自可。所愁吏與民。出處難自擇。請以詢家人。父母聞作官。勸行語諄諄。妻妾聞作官。膏我新車輪。僮僕聞作官。執鞭追後塵。我意獨不然。亦非慕隱淪。朝來見縣令。三十鬚如銀。勞苦未得息。大吏猶怒嗔。况我挂其冠。此骨已峻岫。從前後行船。已據要路津。而我復重来。相見殊逡巡。所恨年齒少。眾論猶紛紛。婦少難守節。日長難關門。掩耳且捉鼻。痛飲求昏昏。我愛許子遜。巍然一碩果。此時橋中仙。當日民之爹。



唐朝顯慶車。晉代洛陽火。古色最斑斕。深情笑言嗟。  
縱論至於詩。唐後無一可。出其所著作。使我袒亦左。  
非隨少陵遊。即入青蓮坐。字挾華星飛。筆落雲霞裏。  
百怪雖妖浮。萬象仍帖妥。平生枚自矜。于此亦云頗。  
忽然見夫君。人間有二我。可惜七旬餘。髮白負無那。  
無力飲酒泉。只願吟飯顆。雖非子夏盲。已類鑿齒跛。  
絃絕琴堂涼。客少花關鎖。遙想竹素軒。籬菊黃幾朵。

讀書二首

掩卷吾亦足。開卷吾乃憂。卷長白日短。如蟻觀山邱。  
秉燭達夜旦。讀十記一不。更愁千載後。書多將何休。

吾欲為神仙。向天乞春秋。不願玉液餐。不願蓬萊遊。  
人間有字處。讀盡吾無求。

我道古人文。宜讀不宜做。讀則將彼來。做乃以我往。  
面異斯為人心異。斯為文橫空一赤幟。始足張吾軍。

隨園雜興

官非與生俱。長乃遊王路。此味既已嘗。可以反吾素。  
看花人欲歸。何必待春暮。白雲游空天。來去亦無故。  
喜怒不緣事。偶然心所生。升沉亦非命。偶然遇所成。  
讀書無所得。放卷起復行。能到竹林下。自有春水聲。  
客來敲門外。主人在夢中。驚起索布襪。遺失草堂東。



夜亦無所想。夢見竹樹長。客若遊我園。赤脚送君往。  
造屋不嫌少。開池不嫌多。屋少不遮山。池多不妨荷。  
遊魚長一尺。白日跳清波。知我愛荷花。未敢張網羅。  
花自帶春來。春不帶花去。雲自共水流。水不留雲住。  
我欲問其故。無人有高樹。樹下閒思量。春與雲歸處。  
經史與子集。分為書四又。亭軒與樓閣。四處安置之。  
各放硯一具。各安筆數枝。早起醜沐後。隨吾足所宜。  
周流於其間。優游十二時。  
聞我書聲息。四面老農來。壯者負犁鋤。哀者穿麻鞋。  
嬉者戴笠子。勞者擔柴。柴邀我大樹下。懷抱一齊開。

今年苦風雨。良苗猶未。秋聞公猶讀書。母乃舉茂才。  
愛其性真誠。發言如嬰。以各贈一杯酒。縱橫卧莓苔。  
好鳥不知名。翩然四山。五村人來我前。往往有酒氣。  
我有舊門生。送酒月三。四花下開酒觴。觴畢作棋戲。  
一杯醉扶床。一局敗塗地。蕭蕭新竹枝。似有扶我意。  
扶起謝東山。一笑吾猶未。  
君莫笑樓高。樓高固亦好。君來十里外。我已見了了。  
君來莫乘車。車聲驚我鳥。君來莫騎馬。馬口食我草。  
君來毋清晨。山人怕起早。君來毋日暮。日暮百花老。  
當年隨大夫。對山初作屋。亭榭招雲烟。杯觴明華燭。



父老為我言此公殊不俗拱手竟昭誰何由知是僕  
迢迢三十年重來理花竹隨之時義大園名不改卜  
以我今日歡尋公往日樂逝者如斯夫古今同一局  
我後更何人問山山不告

翼日梅坡招孟亭南臺再集得觀字

有酒我不飲無酒我不歡不如招酒人痛飲使我觀  
玉郎知此意清晨擔杯盤諸客從而後來泛杯湖船  
幽花隨春開好香隨風傳有月便歸去無雨且盤桓  
問我飲不飲存杯聽自然所以主人翁自號稱隨園

偶然作十首選九

顏回無宣尼一瓢何足算宰相三十年雖庸有列位  
君子愛其名名權非我擅但看十七史遜我者大半  
開卷見古人開門見今人古人骨已朽情性與我親  
今人乃我類嚼蠟聞語言寧與木石居不與俗子俱  
欲見何代人但翻何代書  
汝賤非汝拙汝貴非汝才不能領此意青天生禍災  
禍福何足論所惜九重恩萬世一時遇而無雲雷屯  
顏駟用太遲終軍用太早所以漢家業人才多草草  
悲哉秋為氣草木凜若霜我身非孤桐逢秋如探湯  
又如古塞上防秋羽檄忙六年三大病八月之中央



自知疎狂性肌骨多開張。忽受金風斂。相戰何能降。  
涕洟兼咳。顧藥石難周防。長跪奏白帝。臣請召雲將。  
共留東皇駕。熙熙遊春陽。毋使一葉落。俾我寸心傷。  
其旁有宋王。涕下露衣裳。  
聖人重躬行。不以道自拘。其治貴清平。科條簡且疎。  
唐虞至商周。一千年有餘。治民無多談。傳心無異趨。  
但有謨誥語。而無官禮書。六經盡糟粕。大哉此言歟。  
周末始文勝。漢興廣徵儒。遂有叔孫通。繇叢野外居。  
更有魯徐生。習禮為大夫。瑣瑣角毛鄭。空空談程朱。  
求之日益嚴。失之日益迂。未必兩廡坐。果然聖人徒。

未必兩廡外。都與聖人殊。聖人不復生。我夢終濛濛。  
山居無所事。遁木復遁土。東聽繩繩築。西聞丁丁斧。  
三百有六旬。所費亦難數。戚里憐我貧。切切相規阻。  
豈知君子心。此中固有主。未能議明堂。為國造區宇。  
又無厦萬間。寒士同安堵。就此蝸牛廬。結構且楚楚。  
起伏寓文心。疎密占隊伍。栽花如養民。建亭似開府。  
可惜錢刀空。英雄難用武。始知諸葛公。糧盡退軍苦。  
讀書不手記。一過無分毫。得句忽然忘。逐之如追逃。  
見書如見色。未近已心動。只恐橫陳多。後庭曠者眾。  
所以某日觀。手自識其腦。能着幾緡屐。此意亦苦惱。



身無活人權。不憂溺與飢。身無効人權。莫談是與非。  
當時石戶農。牽羊海上遊。耿耿方寸間。隱隱萬言論。  
願揖衆。舉。夔。待。儂。見。堯。舜。

憶昔垂髫年。讀書葵巷中。先生出見客。弟子偷餘工。  
聞客有科名。仰之如華嵩。家人多窺探。責責羨其容。  
于今二十年。都成可憐蟲。孝廉難餬口。進士愁飄蓬。  
酒味減京口。米價增江東。貴爵而尚齒。吾將笑周公。

秋夜雜詩

末一首題一作書所見

一日不讀書。如作負心事。一書讀未竟。如逢大軍至。  
妻子咸我嗤。名傳亦難恃。何如蕭梁恭。歌舞日歡喜。

余噤不能答。推書行復起。似乎未死前。我法堂如。

有所為而然。俱非真好耳。書堆至萬卷。豈無三千斤。如何藏之腹。重與凡人均。  
我見書中人。與今不相似。我醉還問書。畢竟何人是。  
賦詩似為政。焉得人人悅。但須有我在。不可事剽竊。  
昔有王家郎。好學華子魚。惟其太相同。轉覺遠不如。

歸家即事

初四出官署。二十整行裝。三十抵烏鎮。初八入錢塘。  
錢塘到家近。心急路轉長。離鄉忘鄉音。入耳翻侮張。  
闍者問名姓。小犬吠籬旁。主人不復顧。直趨上中堂。



阿姐扶阿父。老妻扶阿娘。衆面一齊向。雜語聲滿房。  
阿母向我言。為兒道家常。我老多疾病。且喜無所妨。  
不如汝之父。餐飯口頗強。自汝出門後。諸親如水涼。  
三妹抱瑤瑟。悔嫁東家王。四妹壻遠游。季蘭尸祭忙。  
汝嬸自粵歸。祀竈無黃羊。舅家風淒淒。滿屋堆靈床。  
告汝各甘苦。便汝相扶將。阿母言且行。手自羅酒漿。  
阿父為我言。望兒穿眼眶。昨得一口信。道汝頗周詳。  
初四出官署。二十整行裝。三十抵烏鎮。初一人錢塘。  
新官初攝篆。米穀猶在倉。三舖與四舖。廩人未收量。  
汝今雖歸家。何能常居鄉。汝食大官俸。我得屋東廂。

汝仰視櫺棋。千金寧低昂。荷花三十里。蔭柏復沿塘。  
金丸小木奴。冉冉自垂黃。老人手所植。待兒歸來嘗。  
我將行赴園。有人牽衣裳。一妾抱女至。牙牙拜爹旁。  
佯怒告訴爺。索乳頗強梁。一妾作低語。外婦宿庚桑。  
君毋忘管蒯。專心戀姬姜。老妻笑吃吃。打開雙青箱。  
謂當獲金珠。而乃空文章。阿母欲我息。吹去蠟燭光。  
明日祖母墳。長跪奠餼觴。孫兒十八歲。懷抱猶在床。  
今兒得官歸。古墓生白楊。嗚呼蒼天恨。此恨何時忘。  
後日走西湖。帶雨觀湯湯。我行周四嶽。畢竟此無雙。  
悠悠笑語過。忽忽燈節忙。此身不自持。呼僕買舟航。



阿母留兒子一日如千場。勸兒加餐飯。為兒備饌糧。  
家園笋似玉。手烘加飴糖。春茶四十挺。片片梅花香。  
阿父不啻拜。但指髻邊霜。妻妾無所言。含淚不成粧。  
為問幾時歸。君歸我可望。阿姐出簾拜。甥兒要同行。  
世母亦唧唧。阿品交與兄。兩郎俱年少。初生別離腸。  
親朋來一送。軟語都未遑。蕭蕭北門關。行李搖夕陽。  
慈烏哺復去。脊令聚復翔。鴛鴦折荷葉。織女望河梁。  
浮雲為鬱結。驪駒為徬徨。人生天地間。哀樂殊未央。

示香亭弟

我昔見弟時。弟才離襁褓。急令見我時。弟年如我小。

兄為西湖魚。弟為粵西鳥。相去萬里餘。相別十年杳。  
兄弟記從前。大家難了了。我叔滯異鄉。半生伴猺獠。  
娶妻得繆家。家口忽繚繞。黃籍忘故鄉。白頭尤懊惱。  
傷哉就木年。六十不為老。上有世母悲。下有諸孤藐。  
我弟難自存。全家歸悄悄。木葉自返根。海水多入島。  
不恨歸太忙。但恨歸不早。我父喜弟歸。焚香告祖考。  
我母喜弟歸。傾盤堆梨棗。我妻喜弟歸。公然學作嫂。  
消息傳賓朋。聚觀集鄰媪。弟性既溫和。弟顏亦美好。  
執筆學為文。頗亦知頭腦。我家雖式微。氏族非小草。  
高祖槐眉公。烏臺稱矯矯。傳家無笏囊。斫荻存衲襖。



此事汝不知此語汝宜曉勉旃光前微典籍窮搜討  
辭浮理易疎境曲心能造阿兄既辭官分俸時愧少  
常恐孀在家菽水未必飽欲慰白髮親須立青雲表  
矧茲讀書地幽趣頗飄渺楊柳何依依竹竿亦嫋嫋  
對景生天機隨心發匠巧阿兄區區心焚香向天禱

病瘥

宋玉悲秋時趙羅疔作候八月乃有凶余兩次病三  
年拜賜又幾疑彼瘡鬼匪寇乃婚媾初來頭岑岑須  
史眼黝黝投之深淵此層冰剝膚腠忽而醞鬼侯焚  
烟相灼灸襄陽水正淹赤壁火復茂冰炭各爭強炎

涼日反覆如潮不愆期似箭必滿殼疑賜牽機藥足  
前頭欲後豈作木居士火穿復水透賊退氛尚惡渙  
汗如激溜牛勞喘更吐黃鐘鳴滿脰淚滴瓊瑰珠夢  
逐南門味衣帶結成繩篋髮須鋤耨強鉏足蹒跚考  
父背偃僂臨期測日影擊柝如同寇望赦占灾星月  
蝕如待救十輝窮眠履六祝難詛咒我怒呼鬼來大  
聲與之响汝本黃帝孫暴虐乃勝紂景丹古壯士爾  
已往相疾少陵昔詩人三載爾不宥有意病君子吾  
將上帝奏逐汝伴刑天驅汝出狗竇壺涿書鬼名空  
青摘鬼宿鬼乃跪陳詞公言殊質質予來為公迎予



去為公留。隨園風如刀。公獨披襟受。隨園月如霜。公  
船方曳繡。快意禍機積。放懷余毒厚。匪獨此之由。求  
治亦太驟。一年二豎來。褚醫最馳謬。柳似大金丹。雜  
進如米豆。逐虎而閉門。倒戈以自鬪。陰血遂狡憤。發  
癥儼宿瘤。一年小作惡。呂醫亦莖陋。浮脉更升提。心  
鬪聞血顛。非鬼亦非疾。誰則任其咎。公愛讀史書。奚  
不覽宇宙。漢祖與唐宗。大網憑魚漏。寧無水旱災。元  
氣仍交姤。建元久視年。科條漸輻輳。桑孔法錙銖。周  
來禍結構。添眉混沌死。舐糠雞犬瘦。身世將毋同。公  
胡勿叅究。古帝有人皇。三萬八千壽。其後神農來。豈

根殺老幼。扁鵲利齊嬰。妻子避左右。醫師屬冢宰。十  
全更罕覩。瘡鬼維俯張。病人不病獸。况公無膏肓。寒  
暑亦邂逅。既來莫天闕。未來莫俯就。勿吞棘刺丸。勿  
恃春秋富。新壯謹遊房。大夫祀中雷。示吾杜德機。吾  
去敢留逗。願公如伯夷。念惡勿念舊。毋學蜀市人。天  
皇滿背鏤。更願如石虔。聞名鬼已走。毋學高力士。功  
臣閣上伏。予聞意恍然。如挹浮邱袖。幽宗夜九拜。朝  
霞日三嗽。逐醫不逐鬼。敲藥如敲臭。慎以代昌陽。和  
以為甲冑。看花喚都兒。伐木課辛秀。恣悠紅霞嚼。坦  
坦青陽皺。上壽何敢期。中醫請永守。

小倉遺集卷一

小倉遺集卷一

九



齒痛

百年過四旬。老狀一齊赴。但願無所苦。聾盲任所付。  
 惟茲齒兩行。朝夕待汝哺。相鼠尚有牙。飛鳥豈無喙。  
 編排三十二。落落晨星布。隊缺眾乃搖。左移右不固。  
 忽弱一個馬。墳起血沮如。臨食輒三嘆。呼暑每百度。  
 投梭嘯益悲。激石礪如鋸。似履入門折。為牛孺子仆。  
 元謨眉不伸。丞相齒屢吐。杖擢昏王筋。囊撲杜根勝。  
 類炙十重艾。勝飲二斗醋。說士不覺甘。嗽名亦無趣。  
 調語便聾牙。反唇如有訴。徒搖子公指。愁對亞夫箸。  
 啞嗑為已占。大向人如。艱兀起復行。呻吟朝至暮。

五漿三飯時。際難調護。狼籍小稊稗。如人大盈庫。  
 已困楚人鉗。復作黨人捕。急命大老嫗。發難學鼃錯。  
 金簪為戈矛。水麝為俞跗。蠕蠕黃頭蟲。擒出竟無數。  
 客容既甚猛。尸汝猶可怖。譬如漢宦官。雖誅國已蠹。  
 次日嚼復嚼。痛止齟恰腐。又如買臣妻。苦留終欲去。  
 咄哉汝朽骨。無情不念故。我雖仗汝餐。汝亦得我助。  
 弱冠啖紅綾。韶光不汝誤。老去笑拈花。莞爾將汝露。  
 談天吐玉屑。觀畫設寒具。似我作居停。將子亦無數。  
 胡為憎酸醜。瓊漿都不顧。三餐自作孽。四十已見惡。  
 其餘編貝公。效尤更可慮。勸齒學宰相。伴食且餐素。



母學小丈夫唇寒不肯住更學古君子絕交不必怒  
母學暴富兒登時棄瓦注叩汝一千回賜汝三日醮  
吾將鳴天鼓更請黃帝鑄

書懷

我不樂此生忽然生在世我方樂此生忽然死又至  
已死與未生此味原無二終嫌天地間多此一番事  
五聲徵音廢四瀆濟水窮八音苑響絕六典冬官空  
天地無全用聖人無全功胡為蚩蚩氓卜卦專求豐  
與其矜榮華一過如飄風何不留不足徐徐俟其終  
古人數五福子不在其中所以東門吳無子與有同

正月初八日雪

曉起群籟低有物當簷壓知是新春雪來補去年臆  
果然纖塵無一白天地合空花萬里墮群玉兩山夾  
更喜少墻垣高下樓臺雜嵌窓皆玻璃風拒景仍納  
山沉亭立空寺隱燈表塔沙鳴水溜和竹拜松枝答  
只恐斜陽來銀海去狎恰急披鶴氅衣麻鞋滿山踏  
踏此兜羅綿傾跌無不可行則仙雲招仆亦瓊瑤裹  
離離珠彈冠艷艷花沒踝高枝屈復低右幹拗而左  
凍雀噤欲啞深溝填且頗可惜柴門關天加白玉鎖  
清絕竟無客孤行惟有我老梅情不禁衝寒香一朵



久遠集卷一

三

送用菴侍御歸毘陵六十韻

自君來金陵。累我增僕夫。數日不相見。便欲呼肩輿。  
自我來君所。累君苛庖厨。一味不適口。主人先叫呼。  
金陵大都會。君來修官書。赫赫官傳駕。雙雙仙令鳧。  
鬢官生徒秀。梨園子弟都。爭先博君歡。置酒為君娛。  
食曰先生賓。其惟隨園歟。隨園與先生。蛩蛩附駟騅。  
彈琴先置瑟。擊鼓方吹竽。迎君必我召。招我必君俱。  
其旁有老叟。南葉乾笑大軒渠。道此兩人者。風裁亦頗殊。  
其一高傑亢。究究而居居。其一太邛。廣行潦納潢。  
汗胡為投漆膠。不肯離斯須。我今送君行。歌詩慰長

途。豈徒寫耿耿。借此明區區。我性愛華妙。不甚喜書。  
迂。人生隙駒耳。何苦自囚拘。君善修容儀。玉珮而瓊。  
瑀。家貧潤其屋。人瘁澤其車。度履必得所。製袍必光。  
軀。啖我如主孟。好我如田蘇。片時得膝促。十日猶心。  
愉。安能禁雙趺。不向君門趨。我性愛文章。刻苦窮錙。  
銖。甘人刺要害。苦人獻浮譽。君能勤鈇規。屏照分瑕。  
瑜。有賞必搔癢。有攻必彈痕。自是君律細。非關我心。  
虛。安能獨嘖嘖。不共君唱喁。况溯締交始。實惟乾隆。  
初。君頭始任冠。我願未有鬚。虞山相公家。鎮日常相。  
於。吾家狹廬中。絳帷時厝需。長安一為別。芳訊沉雙。

小倉集卷一

五



魚其間偶相逢。半面仍驅驅。今年大因緣。風吹聚一隅。豈非蒼蒼天。念此兩人孤。與以今年家。使補往年疎。邊撩增晚景。陸權償春餘。一日當一年。猶恐難抵除。如何無多日。君又歌驪駒。道已畢五臘。千金買須臾。豈不欲濡滯。未免思妻孥。我老畏聞別。淚落如連珠。三十年為世。此義本先儒。人生有幾世。君其知也。無前別已然矣。後別能禁乎。痛定而思痛。石人應歛歔。今夕復何夕。小室圍金鑪。照窓驚積雪。照雪驚頭顱。顯明知君不飲。姑勸盡此壺。離腸兼老懷。不醉難糝糊。

拔齒

人生一小天。齒動如地動。初焉頭岑岑。繼之神洶洶。斜侵兩顴顛。旁攪雙耳重。爭長伴出頭。攔道強阻衆。一人既向隅。滿坐為之恫。一个既負矢。群鹿紛然闕。欺我老顛頰。在家不食俸。憎我傾軋。談酸鹹。多譏諷。故使病擎牙。舉箸如鑿空。蒸食哀家梨。驚看鬼目糞。五漿五饋愁三齋。三吃痛我亟。取箸筮遇夫。變之訟曰。確乎可拔。勿為造物弄。骨肉既已垂。甘苦何必共。周公誅管蔡。季友除共仲。早鋤當門蘭。莫倚將傾棟。果然楚鉗加。去之如決壅。暖汁免舌橋。反唇得家術。



形殘神始王姦黜賢乃用口戕口既除嚼復嚼益縱羣齒大欣然含笑一齊送

補齒

一齒既拔除窪然存一坎勢凹穉稗集百貨無不攬雖然實能容奈其自視欲有客獻奇計道齒去最慘譬彼列陣排隊缺衆始撼我能假後天截玉為君嵌就齧裁潤俠佯齧殊斬斬縛以冰蠶絲試以五和糝齧伯見不疑齧妻笑且頷亡何對食盤口柔自阿匿盧播為大嚙欲取先喪膽魚羊海小邦亦復不聞卷有如真冷兒一氣終難感又如異姓王虎復終既

外弘班雖齊內懦色已駢客道子胡然宜豈不官愜廿上利齒兒虛名孰可敢原非一嚼只可渡觀覽試問齋然露道偽夫誰敢

哭阿良

二女性柔嘉名之曰阿良年才五歲餘識字二千強每日清晨起抱書來爹堂授以唐人詩脫口中官商為之小講解口唯頭低昂人或譽聰明掉頭謙未遑與妹尤賓賓翺翔兩雁行賜一粟半梨不肯先盛筐牙牙呼妹來舉齒一齊相偶弄小觸燧千日猶在箱待妹弄者失轉以已物償女奴或欺凌涕泣聲惶惶



命為笞女奴含淚勸停撈須臾握餅餌依舊許奴嘗  
乳不戀姑姆周甘餵食不索珍怪粗糲皆引吮  
受教如影響趨善如風檣朝來何所戲持筆塗丹黃  
暮來何所為剪紙作衣裳雖不中矩度亦頗具偏旁  
春秋大祭祀五鼓先嚴粧學作男子拜拱立東西廂  
達官長出果出見無倫張都驚貌類爺誤認好兒郎  
方姬年四旬無出自感傷兒能解其意投懷喚阿娘  
恩憐過所至步步相扶將爺好治書齋古玩堆琳瑯  
兒偶遊其中啞然道勝常一坐不肯起看爺治文章  
聞爺患齒痛手自進糖霜知爺夜未歸卧猶盼燈光

豈獨性慈孝兼且態端莊瞳神如點漆額角亦正方  
僉云長成後其福未可量我雖老無子得汝愁竟忘  
扶愛汝手軟嗅汝體香非徒哀暮年借汝娛心腸  
兼冀他日死仗汝得埋葬何圖兩日間一病中膏肓  
駟馬不及追鐵室不能防曇花忽然落小劫成滄桑  
彩雲杳然散那待吹黃梁大母八十四兩手抱兒僵  
求醫更求佛鼻涕一尺長民母招兒魂登屋如病狂  
聲聲呼良歸哀音崩垣墻生母孕六月恨極以頸搶  
存者道如此來者尚可望爺讀萬卷書不解一藥方  
忝然作人父博類自懲創蒼頭來頓足鄰嫗來憑床



都欲勸婉婉先自泪汪汪。前日天雨雪，堅冰滿池塘。  
戲縛當銅鉦，格汝敲琅琅。今冰猶婉然，汝身先消亡。  
前年梁少宰，為雛鳳求凰。我道太顯貴，門戶敢相當。  
今來作方伯，汝又避何鄉。昨日竹馬走，今日小棺藏。  
昨宵舞蹈處，今宵涕淚場。有汝何喧闐，虛室生吉祥。  
無汝何聞寂，頃刻成僧房。我怕聞哭聲，但願早聾盲。  
朝出猶自可，夜歸魂悵悵。人生到此際，五内生刀鎗。  
明知大夢中，何者為彭殤。其如情所鍾，未能學蒙莊。  
或汝恠女身，棄死欲換璋。故且入輪迴，再沐三桃湯。  
可騎舊胎來，金環猶未涼。嗚呼！然不然，仰視天蒼蒼。

韜光

左旋竹色繞，右折竹徑昏。萬竹綠成海，一峰青當門。  
我來逢日暮，石磴滋苔紋。微覺暗泉響，不見銀河奔。  
誰知鳴竹腹，百道相糾紛。九天落珠璣，僧厨瓦上聞。  
小憇金蓮池，寒玉浮氤氳。湖光窮目力，海影搖窓痕。  
誓畢向平願，來陪金仙群。同持碧鸞尾，日掃青天雲。  
飛來峰

奇山虛空飛，落地偶然借。愛此西湖佳，不歸成久假。  
我來入洞遊，低頭甘出胯。濯濯蓮花垂，隱隱哀湍瀉。  
魔降獅吼伏，甲蛻龍戰罷。陰崖飛蝙蝠，丹梯聳雲架。



疑是夸蛾移左股。痕未化。又疑巨靈擘仙掌。分大華。  
容。卿。數。百。人。空。洞。殊。可。訝。毛。髮。漸。浙。灑。方。午。已。疑。夜。  
萬。古。不。見。日。四。時。寧。有。夏。隙。小。初。漏。天。雲。生。又。補。罅。  
前。穴。風。雨。聲。再。探。心。已。怕。

龍井

龍。厭。西。湖。喧。別。選。藏。珠。宅。澄。泓。一。井。泉。搖。漾。半。天。碧。  
葉。墜。鳥。銜。去。魚。行。人。不。隔。時。方。迎。六。龍。崖。磴。加。開。  
關。穿。竇。濬。靈。源。爬。沙。出。奇。石。瀑。布。九。天。來。散。作。千。處。  
白。噴。珠。隕。雜。花。洒。面。亂。飛。雪。傾。耳。聲。洋。洋。琮。琤。碎。環。  
壁。臺。高。石。柱。寒。松。古。蒼。烟。積。試。茗。人。忘。歸。水。明。天。不。

夕

玉泉觀魚

玉。泉。何。澄。清。銀。河。移。在。地。戢。戢。萬。魚。頭。空。行。渺。無。際。  
紅。鱗。金。陸。離。白。小。影。堪。曳。窺。客。若。有。情。銜。花。儼。相。戲。  
池。間。荇。藻。長。風。定。水。烟。細。可。惜。夕。陽。沉。鐘。聲。雲。外。至。  
春。山。生。睡。容。遊。客。有。歸。意。回。首。波。聲。微。淡。月。僧。門。閉。

癸未元旦

歲。首。百。事。忙。天。晴。萬。花。吉。元。日。如。今。年。人。生。能。有。幾。  
隨。衆。披。新。衣。澄。懷。觀。妙。理。阿。母。扶。上。堂。同。拜。尚。有。姊。  
女。兒。各。倩。粧。嬌。甚。不。成。禮。四。鄰。爆。竹。聲。申。旦。猶。未。已。



傳坐伺過客。來者亦數起。喜界編年詩。怯增坐席齒。  
吾生自有涯。節序何時止。欲作迎春行。先從探梅始。  
唐人元旦飲客號曰傳坐見緯畧

嫁女詞

春花多辭樹。嫁女多辭家。明知理當然。不謂事遽加。  
我有阿成女。容顏如朝霞。嬌語聽連環。傳經倚絳紗。  
幼態宛如昨。般送忽登車。平章合歡鈴。辦治宜男花。  
有珠懼勿明。有服嫌勿華。東具西復缺。禮備儀又差。  
妯姆議瑣瑣。媵御爭呀呀。竭我陪門錢。買我別離嗟。  
嗟了所生局。未卜所適佳。嫁女與添丁。畢竟誰惱爺。

同居人漸離。愁馬心已惱。况是掌中珠。懷中最嬌小。  
我又無男兒。哀鬢如蓬葆。藉此慰所無。起居伴昏曉。  
人視已長成。我視猶襁褓。并此復平分。教我如何老。  
夫婿住姑蘇。江天水渺渺。田多尸祭忙。族大持家早。  
歸寧豈不歸。路途終知少。堂前晝愔愔。膝下風悄悄。  
中郎幾卷書。他日付誰好。  
東家嫁女兒。珠翠傾千箱。道路多側目。門閭生輝光。  
一朝失婦德。所贈都如忘。西家嫁女兒。荆苕與布裙。  
奴婢嗤其陋。戚里嫌其貧。未幾聞賢淑。黃金鑄婦身。  
姑恩不在富。夫憐不在容。但聽關雎聲。常在春風中。



澤髮苟不順何以施鸞篋敷粉苟不和何以光容儀  
即小可悟大柔情須自持毋違夫子訓毋貽父母罹  
未嫁女如兒已嫁女如客送客出門去主人頭愈白  
風寒咏絮窓月冷畫眉筆阿母淚盈盈全家如夫  
難忘碎呬時繞案分梨栗辜負嬉遊天下九及七  
勲名既無成骨肉復蕭瑟吉偶自然雙此累幸而一  
巍巍五嶽山欣然洗雲出道我不游難平生車已畢  
戊子榜發日作一詩寄戊午座正鄧遜齋先生  
九月十一日戊子地榜懸門外車馬走徹夜聲喧聞  
群官一簾撤諸生一頸延得者眉欲舞失者淚湧泉

恐此得失懷聖賢難免焉我今五十三登榜三十年  
翰林曾一入花縣曾九遷掛冠廿載餘萬念付雲烟  
惟逢榜發夕猶心動不眠棘院一聲鼓神魂與周旋  
並非望子弟胡為情牽連祇緣少也賤歷嘗考試艱  
四上不中售自信幾不堅未知今生世與榜可有緣  
於今痛久定思痛輒隱然苦記戊午歲待榜居幽燕  
夜宿倪公家今禹江宗伯昏黑奔蹶躑道逢報捷者驚喜  
如雷顛疑誤復疑夢此意堪悲憐觥觥鄧夫子兩目  
秋光鮮書我到榜上拔我出重淵敢云文章力文章  
有何權敢云時命佳時命誰究宣父母愛兒子不能



道兒賢。惟師薦弟子。暗中使升天。豈非師恩德。還在  
父母前。吾師在何處。渺渺五雲邊。見榜如見師。感觸  
涕漣漣。有如駿馬老。重對孫陽鞭。又如燒尾魚。重過  
龍門巔。此恩此日酬。陸庄慙荒田。此恩異日酬。兩鬢  
驚華顛。不如歌一曲。聊寫心拳拳。無由侍絳帷。且憑  
鴻雁傳。

送滋圃相公入都

調羹貴。新手折柳愛。故枝新手惹。人望故枝惹。人思  
我送莊。新參誰能為此詞。其詞多纏綿。卅載心相知。  
交公諸生日。送公作相時。諸生至宰相。迅若風輪馳。

憶昔沈家園。隔花將公窺。也知公必貴。不料貴至斯。  
其時兩少年。結交惟恐遲。明年京兆榜。後年瓊林扈。  
聯鑣相追逐。直登蓬萊池。一朝我小謫。輪蹄遂參差。  
自道仙凡隔。重逢未有期。何圖一江水。天風吹聚之。  
我來訪烟柳。公來樹旌旗。雲霓雖不親。苔岑終相依。  
布衣情款款。舊雨談霏霏。黃扉一以去。白首何時歸。  
但見蒼生樂。誰知故人悲。鳳凰自高翔。鷗鷺難遠飛。  
惟望台垣星。流光照幽栖。

尹公督兩江。公來撫三吳。我曾以書賀。韓歐一時俱。  
公乃謙詞答。僕也何敢居。誘而至于道。其在斯言歟。



果然兩賢人。仁風溢里閭。忽焉雙雙去。江左咸欵欵。  
所喜同調元。八荒如庭衢。豈有到蓬山。而肯徒支吾。  
公贈尹公詩有蓬山歷觀古賢相。其道不可孤。魏相  
未到。總支吾之句。以嚴治丙吉。乃寬舒。如晦斷於後。元齡謀於初。何况  
本師弟。衣鉢傳有餘。用心不妨同。意見不妨殊。殊則  
非朋黨。同則相匡扶。如作遠猷。舌此詩。彼則謨。如歌  
卷阿詩。前唱後則喁。會見舉與夔。致君如唐虞。

水西亭夜坐

明月愛流水。一輪池上明。水亦愛明月。金波徹底清。  
愛水兼愛月。有客坐于亭。其時萬籟寂。秋花呈微馨。

荷珠不甚惜。風來一齊傾。露零螢光濕。霹靂響。蛩語停。  
感此元化理。形骸付空冥。生久并忘我。何處塵慮櫻。  
鐘聲偶然來。起念知三更。當我起念時。天亦微雲生。

登華山

太華峙西方。倚天如插刀。閃爍鐵花冷。慘淡陰風號。  
雲雷莽回護。仙掌時動搖。流泉鳴青天。亂走三千條。  
我來躡芒躡。逸氣不敢驕。絕壁納雙踵。白雲埋半腰。  
忽然身入詩。忽然影墜巢。天路望已絕。雲棧斷復交。  
驚魂飄落葉。定志委鐵鏢。閉目謝人世。伸手探斗杓。  
屢見前峰俯。愈知後歷高。白日死崖上。黃河生樹梢。



自笑亡命賊。不如升木樛。仍復自崖返。不敢向頂招。  
歸來如再生。两眼青寥寥。

談沈兩門生。來園置酒得種字。

殘春孤花危。新晴遊人勇。送酒遇劉宏。分題得江總。  
峯。茲。朱。陽。節。登。彼。綠。雲。壘。連。舟。朝。淺。揭。雲。壘。夜。深。捧。  
蝶。行。小。草。樛。日。落。群。霞。擁。簾。影。只。三。人。鳥。聲。恰。萬。種。  
呼。僮。撒。金。燈。月。華。如。水。湧。

小倉選集卷二

錢塘袁枚子才著

廣漢張懷漑玉溪選

虎口行

入虎穴登虎口。吾戴吾頭虎牙走。欲嚙不嚙虎不如。  
狗。君。不。見。太。原。守。姓。邊。名。大。綬。一。解。公。順。天。人。宰。米。  
脂。闖。賊。故。鄉。公。所。治。欲。斬。此。賊。計。不。得。施。不。知。若。祖。  
若。父。作。何。狀。主。寧。馨。兒。急。掘。上。中。屍。我。欲。見。之。二。解。  
士。午。正。月。九。日。雪。花。如。矢。稱。奴。前。行。到。三。峰。子。二。十。  
三。墳。宰。如。也。金。椎。丁。丁。啟。三。解。撲。面。一。條。驚。蛇。翔。張。



口呀呀吞日光。鬪髑青銅聲。骨節黃毛長。四山妖雲。  
毒霧天茫茫。四解。碎其骨。伐其樹。腊其蛇。平其墓。純  
灰。瀦沃雄。煎燒馬通熏。蕩牛溲。澆軍民。聲如雷。指日  
滅黃巢。五解。賊烟艾。朝棟報賊賊。大驚。登時一矢貫  
目睛。公還鄉。賊入京。旁人勸公逃。公曰。老母在。何能  
行。六解。一路哭矣。賊來捉矣。騎簇簇矣。母妻子女。齊  
入獄矣。縛公上馬。獻闕。王麾下萬目。駸駸看掘墳者。  
七解。公自念。丈夫死耳。何悲哀。但不知抽腸釘舌。千  
灾五毒如何來。八解。過獲鹿。出固關。惺惺闖至黃衣  
冠。一騎牽公上。一騎搖手言。大王屢敗眠不安。莫遽

秦王傷王心。肝九解。再馳再驅。曰。至壽陽。邏騎十人。  
漸不成行。一騎大笑。汝何不亡。公乃狂竄。轉覺心戰。  
十解。打背大呼。驚賊追遁。回身面之。乃傖父持鋤。想  
剥衣裾。贈之以敝襦。晝伏夜趨。百險千虞。而反其居。  
十一解。扣阿妹門。疑阿兄。魂抱老母慟。母云。是夢闖  
賊口。小哆萬頭。一齊墮。汝何人斯。交臂而過。十二解。  
聖朝擢公五馬軒。梨園演公觀。嘆紛。富貴壽考。  
子。姓如雲。公書其事。記辛苦。我歌為詩。千古但憑。  
天莫畏虎。十三解。

老將行



黑稍將軍騎白馬。年年獨獵陰山下。拔劍時同霹靂。爭揮鞭。慣把旋風打。手中關地一千里。麾下偏裨半金紫。刮骨堂前召伎歌。論功殿上揮拳起。酒氣時熏甲。張中名王擒出烟塵裡。于今蕭蕭兩鬢霜。日餌雲母彈。清商朝廷數遣問。邊事素書幾卷存。金箱朝聽禪白社。暮種瓜青門。圓形不去涅面痕。血甲血裳示子孫。

寶刀歌為雲若司馬作

雲若司馬真英豪。磨墨捉我題寶刀。此刀不許俗筆寫也。須筆健如刀。若拔鞘相夸。風滿庭將拔未拔刀。

先鳴電光熒熒射。忽冷芙蓉飄飄上手。輕伸則鏗然。屈則轉從古英雄。吾舒卷海上長鯨。見汝愁月中丹桂為誰短。精鐵鎔成歷幾年。孟勞身分壓龍泉。可磨巴漢三江水。可走哥舒萬里天。摩挲擬叩金鑲問。吾戴吾頭不敢近。今年六月如秋涼。疑是刀來照此方。吁嗟乎神農藥堯舜。法一半生人一半殺。不如君家此物知恩仇。不報以時繞指柔。

霍將軍歌

霍將軍年十八。帶刀上殿穿羅襪。駿儀冠上水精珠。永巷無人深夜趨。手挾金丸彈落日。口含雞舌說兵



書漢家烽火交河北紛紛老將多飄沒不是深宮跡  
踰人難消天子憂邊邑元戎首領出都門履軸新裁  
穩稱身雙瞳涼入天山雪一劍橫磨瀚海雲花門小  
箭戲沙場都護先驅紫玉韁含笑擒來射鷗手帶傷  
縛出左賢王捷書夜向甘泉報單于面縛臨洮道胡  
婦從旁更有情胭脂畫得將軍貌策勳太廟好威儀  
朱鷺青陽幾度吹君王祝解黃金甲翁主爭調白玉  
危風雲色傍衣冠動日月光從掌上移盧家少婦鬱  
金堂聽唱刀環喜欲狂一陣餘寒塞上霜明朝有  
進洞房為郎手撲兜黎黎

詔頒宮女片片桃花能  
洗盡巫山雨

商丁孫尊歌

素公雙瞳今罕有辨古物如屏剖雞區魚瓿羅成  
行就中商尊尤冠首規引環潏東半腰侈口吞舟容  
一斗紅搖赤水珊瑚明翠凝碧瓦琉璃厚蛟龍揚爐  
鳧氏鏤丁曰孫三字垂非陰花陽篆劃深雪雷紋雲  
氣蟠蚪蚪黃目睽睽堂臍瞪飛廉嘖嘖繞腹走想當  
元女降生商兄及婦西鑄彝酋大局七個橫廟門典  
寶一篇陳黼右滕臣貞俎說調鼎帝乙歸妹狄作酒

小倉選集卷二



或盛菹鸞彫祭日。或斟雉羹。彭鏗。史官高勢。朱莪  
我稱祝尊前。再拜毛道。是器成永寶。用于孫無疆。王  
萬壽三。腰有玉監。有銘同與此尊。垂遠久。一朝膜畫  
封河陽。白馬人行。口不守。麥秀空傳。箕子歌。銅監早  
蝕比干。紐三千年。地太陰中。不知有周秦。更否神物  
數滿當出世。咸陽耕夫傳。某某苔。皴土繡形離奇。達  
官。篋視等瓦。丘素公一見。購百鍊如辨。墳羊識土狗  
名良工。閔刷作瓶。子文胎以治月洗黑雲光照牖  
沃丁武丁。靈葵存。獨銜花枝香滿口。甄邯威斗子尾  
儀若數班行。都列後。我乃撫尊長。嘆息世事輸君常

八九。函牛之鼎當康。執折鉤之喙。享敬帚。人才那得  
如金銅。長在泥沙不速朽。願公愛士如愛尊。毋使埋  
淹嗟不偶。

新燕篇

涎涎燕。年年二月來。相見雙足能。傳塞上書紅襟。還  
帶前年線。前年人去漁陽道。今日烏啼白門曉。同是  
天涯飄泊身。滿屋落花泥不掃。燕語何喃喃。一雙新  
畫梁。曾棲執戟明光殿。曾伴邯鄲大道倡。幾處空牀  
憐蕩子。幾番故國吊斜陽。飛來飛去流年度。惟有君  
家負似故竹聲時。遇捲簾人。山色自青春。雨露燕兮



燕兮休啄矢。主人與汝長居此。莫嫌茅屋兩三間。且學為生八九子。

子才子歌 示莊念農

子才子。頎而長。夢東筆萬枝。為椽浮大江。從此文思日汪洋。十二舉茂才。二十試明光。廿三登鄉薦。廿四貢玉堂。爾時意氣凌八表。海水未許人窺量。自期必管樂。致主必堯湯。強學象胥語。誤譯檠木章。改官江南學。趨蹌一部循吏傳。甘苦能親嘗。至今野老淚。發發頗道我。比他人強。投噴大笑善。刀而藏。歌招隱。唱迷陽。此中有深意。曉人難具詳。天為安排看花處。清

涼山色連小倉。住一十有一年。蕭然忘故鄉。不音不舉觴。不覽佛書不求仙。方不知青烏經幾卷。不知樗蒲齒幾行。此外風花水竹無不好。搜羅雞碑雀籙盈。東箱牽鄂君衣。聘邯鄲倡長劍。陸離古玉丁當藏。書三萬卷。卷卷加丹黃。栽花一千枝。枝枝有色香。六經雖讀不全信。勘斷姬孔追微茫。眼光到處筆舌奮。書中鬼泣鬼舞三千場。北九邊南三湘。向禽五嶽遊。賈生萬言書。平生耿耿羅心腸。一笑不中用。兩鬢含輕霜。不如自家娛樂。敲宮商。駢文追六朝。散文絕三唐。不甚喜宋人。雙眸不眴兩廡旁。惟有歌詩偶取



將或吹玉女簫。綿麗聲悠揚。或披九霞帔。白雲道士  
裝。或提三軍行古塞。碧天秋老吹甘涼。或拔鯨牙敲  
龍角。齒牙閃爍流電光。發言要教玉皇笑。搖筆能使  
風雷忙。出世天馬。西極入山。麒麟下大荒。生如此  
人不傳。後定知此意。非穹蒼。就使仲尼來東魯。大禹  
出西羌。必不呼子才。子為今之狂。既有歌還自贈。終  
不知千秋萬世後。與李杜韓蘇誰頡頏。大書一紙問  
蒙莊。

從來廟古樹。必怪竟有梅花塞。大南都兩寺大者

菩提場古梅歌

限大字與真  
坡學士作

涼山色連小倉。住一十有一年。蕭然忘故鄉。不  
音。不舉觴。不覽佛書。不求仙方。不知青烏經。幾卷不  
知。樗蒲齒。幾行此外。風花水竹。無不好。搜羅雞碑。雀  
籙。盈東箱。牽鄂君衣。聘邯鄲。倡長劍。陸離。古玉丁當。  
藏書三萬卷。卷卷加丹黃。栽花一千枝。枝枝有色香。  
六經雖讀不全信。勘斷姬孔。追微茫。眼光到處。筆舌  
奮。書中鬼泣。鬼舞三千場。北九邊。南三湘。向禽五嶽  
遊。賈生萬言書。平生耿耿。羅心腸。一笑不中用。兩鬢  
含輕霜。不如自家娛樂。敲宮商。駢文追六朝。散文絕  
三唐。不甚喜。宋人雙眸。不眴。兩廡旁。惟有歌詩。偶取



將或吹玉女簫。綿麗聲悠揚。或披九霞帔。白雲道士  
裝。或提三軍行古塞。碧天秋老吹甘涼。或拔鯨牙敲  
龍角。齒牙閃爍流電光。發言要教玉皇笑。搖筆能使  
風雷忙。出世天馬。來西極。入山麒麟。下大荒。生如此  
人不傳。後定知此意。非穹蒼。就使仲尼來。東魯大禹  
出西羌。必不呼子才。子為今之狂。既有歌還自贈。終  
不知千秋萬世後。與李杜韓蘇誰頡頏。大書一紙問  
蒙莊。

菩提場古梅歌 限大字與前  
坡學士作  
從來廟古樹必怪。竟有梅花塞廟天。南郡兩寺大者

三菩提一株。母乃太有人形。共七尺。忽然丈六金  
身。在三寸之珠十圍玉。此物豈合存塵界。勃勃擎將  
雨雪飛。童童欲把扶桑蓋。一白光搖大殿明。半開影  
壓僧房隘。孤根入地。花入天。身。在。寺。中。香。在。外。我。生  
愛。梅。如。愛。色。得。此。傾。國。癢。搔。疥。初。疑。導。從。萬。玉。妃。水  
晶。宮。關。搖。環。珮。又。疑。白。象。散。天。花。牟尼珠。子。穿。旌。旆。  
睽睽萬目摩青柯。喋喋方言議根派。老僧古貌長眉  
青。問樹疑年默不對。但說前朝焦狀元。曾坐梅窓拊  
梅背。我聞其言彈兩指。劫灰陣陣飛衣帶。幾行青史  
後。梅成幾堆白骨先。梅壞梅花無情春。有情年年二



月開無賴長陪仙鶴記。堯年未了人間香。火債花氣  
蒸為十里雲。毓枝布施千人戴。勸汝莫矜橫斜影。江  
南城小身為碍。愁汝狂吹清冷香。諸佛聞之鼻破戒。  
人生眼界那有窮。物拔其尤意殊快。笑我隨園二十  
弓。年年種梅如種菜。不妨無事有其心。老衲大窮將  
汝賣。巨靈雙手掘梅根。駱駝萬匹拉梅載。移植千枝  
萬枝中。諸峰忽壓當頭岱。逝將聘汝力不能。行且尋  
君一而再。諸公借我禮佛頭。且對此梅三百拜。

編馬歌 為傅將軍作

按通典曰武舉制土木馬於里間教人習騙

謂躍上馬也將軍教士習之較精

嚴霜白耀演武場。馬騰士飽秋日長。將軍教觀軍士  
戲。投石超距試古方。牽來老馬如木馬。柴立不動僵  
中央。儀氏丁中帛。氏齒沙囊壓。定古渠。黃健兒抹額  
縛窮袴。短衣都學廣川王。一人騰蹕學饑隼。卓立馬  
首當秋岡。一人挽鬣肆蹴踘。反腰貼地唱伊涼。或躡  
雙鞢超陣過。紙鳶飛起黃頭郎。或翻兜鍪挂馬腹。倒  
躍井底追沈光。憨如老態卧當道。捷如袒髮遊呂梁。  
健如堯廟橫蹋壁。快如樓季踰短牆。超如西域白獅  
子。望塵嗅地知兵糧。妙如獼猴與狗鬪。干淫鷲傲翮。

小倉選集卷二



蝶狂人視馬如泰山。穩馬視人如蒼蠅。翔三十六番。  
夜奏畢。六朝閃閃。顏西荒。我聞擊賊貴習。膽擲塗。睹  
跳夸精良。又聞武侯制遊兵。二十四陣翼兩旁。侯景  
難犯緣陣脚。馬隆戰勝因偏箱。似此銀刀兼拐子。橫  
衝天下何人當。將軍大笑鳴。頰起樹梨。普梨歌不止。  
手舞長劍青天裏。次及戈。艾槍。槊。矢。一。回。一。試。一。自。  
喜。生。逢。六。合。無。泥。滓。不。入。沙。場。決。生。死。但。縛。大。盜。三。  
千。耳。拖。腸。格。鬪。血。衣。紫。兵。公。可。傳。世。有。幾。願。屈。張。良。  
為。弟。子。贈。汝。北。橋。書。一。紙。酒。酣。長。歎。手。指。西。如。此。夕。  
陽。吾。老。矣。

巨魚歌

虎邱懸一魚頭長三丈詢其被獲情節為作  
巨魚歌

崇。明。三。日。雨。如。注。海。水。如。雲。飛。上。樹。巨。魚。騎。浪。游。人。  
間。意。欲。來。吞。一。城。去。天。吳。忽。退。波。浪。空。巨。魚。欲。去。無。  
天。風。身。橫。千。畝。動。不。得。長。鬣。倒。挂。泥。沙。中。海。人。嗜。魚。  
爭。割。肉。乘。梯。登。背。如。登。屋。萬。人。已。飽。魚。不。知。血。湧。紅。  
潮。響。坑。谷。尾。搖。欲。把。青。山。掃。鼻。息。衝。沙。如。小。島。費。盡。  
人。招。海。賈。文。腹。中。葬。骨。知。多。少。雖。未。成。龍。已。有。神。千。  
年。涎。沫。生。風。雲。遊。還。龍。伯。扶。桑。國。嘗。遍。周。秦。漢。魏。人。



一朝運盡魚無那。輦來朽骨空驚大。兒童知爾死無靈。高歌齊上魚頭坐。

酒友歌

余不善飲飲惠泉酒大醉荆南作泉酒行笑

余亦作酒友歌轉笑之  
隨園先生枉生口能食能言不能酒獨醒人間四十年天降酒星為酒友酒友酒友程荆南酒車騰酌日再三糟漿之氣衝鼻起百步之外人先酣與余同下蘇州道一月不登杜康廟望見前村賣酒旗口雖不語心先笑惠山泉碧酒材良賜汝一壺恩渴羗君言

主人不先客不舉強余盍盍醮半觴頃刻玉山頽不住頭若崩雲眼墜霧無福能交頽建康有心欲殺孫主簿還君漉酒巾封君酒藏吏君量大如取兖州我量小如守敬器豈徒割席拒華歆將縛衣冠射將濟

贈楊將軍

作虎須成班不戰難名將國家承平百餘年凌烟有閣無人上楊公儒者令韋舉起家西屬征南苗橫披囊瓦三千甲斫折孤延十五刀金川礪樓與天接鳥飛不上猿猴絕將軍目作蒼鷹視騰身直上疾如矢一甄兩甄鼓不止雲梯隊隊銜其尾三軍齊唱肉飛



仙。半。夜。昆。崙。關。奪。矣。當。空。礮。石。雲。雷。奔。將。軍。見。敵。不。  
見。身。偶。中。金。創。色。愈。怒。殺。賊。遙。看。紅。一。路。捷。書。馳。報。  
甘。泉。宮。玉。旨。傳。宣。賞。戰。功。諸。將。喧。爭。公。獨。報。閉。口。  
無。聲。大。樹。下。于。今。專。閫。來。江。南。雅。歌。投。壺。斜。插。簪。平。  
生。鑿。極。準。蘭。事。酒。罷。微。聞。說。二。三。梅。花。開。時。山。月。明。  
手。揮。瑤。琴。招。我。聽。瀟。湘。雲。水。清。商。老。彷彿。沙。場。金。鼓。  
聲。

題金正希先生畫達摩圖

正。希。先。生。發。清。興。雲。藍。剪。紙。如。圓。鏡。畫。作。達。摩。面。壁。  
形。高。坐。枯。龜。呼。不。應。泥。金。鈎。髮。蠶。尾。拳。側。筆。裁。衣。蟬。

翼。勁。人。疑。道。子。以。墨。戲。或。道。無。功。將。佛。佞。以。指。喻。馬。  
隔。兩。塵。援。儒。入。墨。殊。非。稱。誰。知。先。生。畫。佛。即。畫。心。直。  
是。誠。通。非。貌。敬。事。惟。詣。極。方。參。元。思。不。出。神。難。入。聖。  
當。其。為。文。慘。淡。時。天。外。心。歸。功。未。竟。顏。淵。專。精。能。坐。  
忘。維。摩。憔悴。常。示。病。絕。無。意。想。結。空。花。那。有。風。泉。攪。  
清。聽。眉。毫。禿。盡。腸。欲。流。三。才。萬。象。同。叅。証。較。彼。蒲。團。  
枯。坐。入。禪。理。文。心。果。誰。勝。寫。靜。者。相。示。衆。人。教。用。思。  
功。先。練。性。碧。山。烟。去。月。才。明。秋。水。風。停。波。自。定。文。人。  
學。佛。即。升。天。才。子。談。禪。多。上。乘。為。我。增。題。墨。數。行。勝。  
補。雲。堂。一。聲。磬。



題畫蒲萄應硯園太守命即送入都

廣文吳君筆墨超不畫首指畫蒲萄太守得之興更  
 豪命我題句加寵我乍展觀葉尚搖嘆此神技渠  
 獨操厥草惟天厥木喬高者龍牽雲外飄低者貉縮  
 煙中條欹者隨者紛相遭勢或小斷影忽交弱蔓踈  
 莖蟠瘦蛟艾藍染碧垂絲繚露之湛湛風騷騷天珠  
 小珠天上拋金丸萬點眼欲燒疑坐華林朱雀橋百  
 七十株歌椒聊又疑張騫大宛逃手持奇樹來相招  
 權火初升井挈舉誰知妙腕揮銀豪筆花怒生東海  
 潮墨濃作果淡作梢只可落紙生煙廳無能登盤供

老饕恰如虎鬚繫且牢松口欲偷空目勞嚴霜驚風  
 影不凋奚煩暮景愁邊撩入守俸滿將入朝請携此  
 幅馳丹青長途眼飽慰寂寥長安贈客當瓊瑤君不  
 見孟佗一斛遺巨貂涼州頃刻麾旌旄

染鬚

隨園居士墨者流持鬚日向染人謀明知其白姑守  
 黑老聃此義吾能得初將漂豆薰繼用犀篋掠一入  
 再入爾雅詞為淄為元考工法旁侵時笑面粧花唇  
 黑方知為戲虐人疑楊子注元經我道先生逃白學  
 當時漢武求神仙金丹未必還朱顏何如王莽一夕



變鬚髮六宮明日迎嬋娟。才看青青色旋露星星貌。  
二毛不肯久欺人。時時將老來相告。我昔留鬚已惆  
悵。於今鬚也非前狀。碌碌空為短尾刀。飄飄不作長  
鬣相。惜把丹青用此間。不教畫向凌烟上。西風拂袖  
秋雨涼。手持明鏡愁秋霜。且將黑水西河郡。賜作髯  
奴湯沐鄉。

除夕讀蔣荅生編修詩集即做其體題三首

除夕袁子歌不止。聲如爆竹震人耳。老親驚疑小妻  
視案上一編。蔣太史問我胡為愛。若此我道其詩竟  
莫比。白虹一道當空起。千流萬轉仍繞指。走入先生

輔頰裏。片片蓮花開。云底其大難。摹幻難擬天之蒼。  
蒼海瀰瀰前。有蛟龍後。虎兇長繩三丈走。若矢縱得  
七尋橫。九趾倒拔鯨牙曳。牛尾五十三。叅智慧理七  
十四。變女媧體都來。供給管城使。遇小敵怯。大敵喜  
四海才人鼓聲死。先生大笑吾戲耳。眼前拈來說便  
是非。杜非韓亦非李。卿胡愕眙不敢睨。可惜老夫年  
衰矣。旗鼓相當。顧有泚。但嘆奇才世有幾。如仲達按  
孔明壘。長安公卿半委靡。不解鈞天聽。宮徵許其掉  
頭歸。田里鍾山脚下寄妻子。與余相交情。妮妮果然  
四海習鑿齒。自信當如丁敬禮。轉笑當時陳無已。渾



身只拍西江水。願讀千遍書。千紙明日。元辰大利市。  
心香供奉從媿始。仰天但見有日月。搖筆便知無古今。宣尼果然用韶  
樂。未必敷衍笙鏞音。俗儒磬磬界唐宋。未入華胥先  
作夢。先生有意喚醒之。矯枉張弓力太重。滄溟數子  
見即真。新城一翁頭更痛。我道不如掩其名。姓只論  
詩能合吾意。吾取之優。孟果能歌白雪。滄浪童子皆  
吾師。否則三百篇中嚼蠟者。聖人雖取吾不知。吁嗟  
乎。昆崙泰華山自高。終日孤踞。殊寂寥。其下瀟湘武  
夷亦足供遊遨。

高君年少眼光好。能以繹牽律詩老。卷中丹書如蠶  
眠。抉摘瑕疵存異寶。曹瞞困周郎。為少節制師。歐公  
畏後生。正恐某在斯。高君已獻潢汙片。賤子更進芻  
蕘言。勸君莫愛惜。欲表孤花先剪葉。勸君須愛惜。千  
餅黃金一點墨。西施亂頭麤服。故自佳。何不祿飾嚴  
粧。更增色。泥沙雜。下夸黃河何如大海。無塵但見珊  
瑚木。難萬怪。相惶惑。俎豆終須刻。苦爭至味。還從蘊  
釀得。君不見太虛之中一微滓。世間竟有離婁子。又  
不見戟叉刀劍。弄徧十八門。不知老僧寸鐵能殺人。  
古銀杏為火所焚。



半夜木鳴天忽曙。空山無人火在樹。槎牙散作金黃  
雲。九天灰落烟紛紛。黑風迸裂空心血。枝枝葉葉飛  
晴雪。孤根一氣共死生。倒燒直下三千尺。上焚碧落  
星辰散。下熏無極黃泉熱。天地焦枯會有時。人力難  
施空歎息。憶昔當年種六朝。曾同春薦佐含桃。摩挲  
嬪御青絲絡。披拂將軍白玉條。亡何歲月如流電。到  
眼齊梁人。不見幹排元氣更千年。獨立江風當一面。  
人間用材不用長。八尺九尺皆棟梁。敗樗鉛刀易斷  
削。白檀上手多觸傷。爾形倔强撐宇宙。自合棄置來  
僧房。雲雷坎壈遂變化。魂魄光明怒太陽。一朝炫耀

脫骨去。勝入竈。下當柴。桑啞啞。烏鵲休。愴神巢。焚厦  
傾理所存。君不見老僧躑躅樹下。悲遮雲護日。今為  
誰。

白馬驛

清風不斷霧不生。清流不斷國不傾。十年古驛黃河  
邊。鬼過猶作鳴珂聲。當時嘲賊朝門寫。三千詩人骨  
一把。已開裘甫惱青蟲。更見朱三來白馬。迂哉裴十  
四。觥觥於門第。三百年唐交與誰。猶說大常卿不置。  
崔叢物望冠中朝。甘為官家受一刀。半夜鷓鴣集。啄孤  
鳳。彗星三丈風蕭蕭。君不見太原樓下美人啼。一片



小倉選集卷三  
凝脂及上飛時來阿父監軍寵運去傾城名士悲又  
不見隆笏司空圖請兵羅昭諫從古詩人報國心不  
曾一識君王面

小倉選集卷三

錢塘袁枚子才著  
廣漢張懷淮玉溪選

夜渡彭蠡風浪大作

半夜顛風斯客過奪取孤舟當箕簸桅折羣鷺大霧  
崩燈昏不辨何艘破騎虎由來勢莫停駕鰲且向西  
南征滿眼黃泉不見路喏喏但聞龍蛇聲青蘆颯颯  
淨而止長老大呼吾生矣拍拍羣鷗扶浪起彼此相  
看面如紙衣裳都付窈妃洗一身之外水而已編詩  
不編前甲子墮地重生從此始



書倉頡廟

昔帝上天不識字。玉皇大笑人間俗。特遣倉公來造  
 作電光熒熒開四目。遠采龍魚篆。近取蝌蚪行。一畫  
 生枝葉。六書加偏傍。可以記名姓。通九州。三才萬象  
 相咨諏。天公賜粟萬萬石。厥功猶未酬。干鬼何事哭  
 啾啾。上古無黎邛。疑是三王五帝之靈爽。相悲愁。倉  
 公不知故。賤子請致詞。行公之道亨。公福古今惟有  
 尼山師。與公初意無相違。其餘竄經冒聖紛紛者。坑  
 之不足蔽其辜。而乃辟睨兩廡。犧牲手摩騰。借此來  
 中華。侏儻梵偈盈百車。學仙誤仙書。白骨如撐麻。此外

按此外以下相傳先生初稿臚列古人名姓故實不  
 下數百言後刊稿時乃盡刪之祇舉其大者存十句  
 深文刀筆萬萬條。張湯趙禹日喧譁。宮禮正新室。血  
 流誣武王。元凶講孝經。妖僧造明堂。董侯強解事。皇  
 羲五十章。穿鎚六將軍。盤脫校書郎。蠹魚食盡三萬  
 字。上天不如蜻蜒翔。腐儒識之無公然。搔首怨彼倉  
 我自與公有瓜葛。亦復啣喙如蚊蠅。不能腰鎌田中  
 騎馬沙場三升墨水。非瓊漿他日餓死分所當。故鬼  
 哭未已。新鬼淚沾裳。功過不相掩。請公自思量。公如  
 肯補過。請公南面坐。周公右。孔公左。始皇在旁。手把  
 火。刪除六經質。諸聖黜陟。百家來問我。朝不必多書。



野不必多。儒拔兔一毛利。天下欽明文。思追唐虞再。  
拜奠椒酒。臣言是與否。倉公領之不開口。但見神鴉  
鬼馬雲中各點首。

同金十一沛恩遊棲霞寺望桂林諸山

奇山不入中原界。走入窮邊才。逞怪桂林天。小青山  
大山山。都立青天外。我來六月遊棲霞。天風拂面吹  
霜花。一輪白日忽不見。高空都被芙蓉遮。山腰有洞  
五里許。秉火直入衝烏鴉。怪石成形千百種。見人欲  
動爭。訝訝萬古不知風雨色。一羣仙鼠依為家。出穴  
登高望衆山。茫茫雲海墜眼前。疑是盤古死後不肯

化頭目手足骨節相鉤連。又疑女媧氏一日七十有  
二變。青紅隱現隨雲烟。蚩尤噴妖霧。尸羅袒右肩。猛  
士植竿髮。鬼母戲青蓮。我知混沌以前乾坤毀。水沙  
激盪風輪顛。山川人物鏤在一爐內。精靈騰蹕有萬  
千。彼此遊戲相愛憐。忽然剛風一吹化為石。清氣既  
散濁氣堅。至今欲活不得欲去不能。只得奇形詭狀  
導人間。不然造化縱有千手眼。亦難一一施雕鐫。而  
况唐突真宰。豈無罪何以耿耿羣飛欲刺天。金臺公  
子酌我酒。聽我狂言呼否否。更指奇峯印証之。出入  
白雲亂招手。幾陣南風吹落日。騎馬同歸醉兀兀。我



本天涯萬里人愁心忽挂西斜月

出東門

出東門有客從西來客不西來東門之車奔如雷待  
來而不來客怒作色相疑猜解芻三十車禾三十車  
隸人溼廁械窬與俱罔或不供汝則罪有餘解得等  
求畜捉鷄索鳧匪壺鳧之為取取汝所無解門前水  
潭門內水清清以為名其貌獍獍大官昂首坐小吏  
圈豚行解天陰雨淒淒長跪大道左學鴨自呼名兩  
頰紅似火指向蔡興宗此中正是我解欲引強之食  
欲食強之飢非所喜而笑非所怒而答腰膝不自持

而况法令為

解吞爾

不搖牙咀爾不擊齒乃公侯有

聲萬口一齊止

解

按此下初本有愛之則生逆則死長  
跪啓乃公識一丁字何如挽兩石弓四句

嘉靖四年酒

世間老物無不有嘉靖四年一甕酒甕面泥封字數  
行光祿中丞人某某髡高三尺酒一尺逃盡酒魂存  
齊解總想見當年議禮時爛醉釣天無醒客臆如膠漆  
丹如霞香氣能開十里花酒人欲飲不敢飲未染一  
措先干嗟我最畏飲勇忽賈僂僂願逐化人舞三杯  
吞盡兩朝春心腹腎腸一齊古

登泰山



不登泰山高。那知天下小。一朝到此間。登臨敢不早。  
土人結繩為木籃。令我偃卧同春蠶。兩夫負之走告。  
蟹橫行直上聲。喃喃初入萬仙樓。旋登水簾洞。眾峯  
似兒孫。羅列爭相送。側側曲徑蟠長地。垂垂鐵索懸  
枯槎。一重白雲一重水。蕩搖千片萬片芙蓉花。丹梯  
碧磴轉不已。冥然絕壁摩空起。其下澗壑深。其上天  
門啓。來時徑路雲已封。惟有忍死直上。虛無中。後人  
頭接前人踵。徑寸草壓千尺松。不愁不來蓬萊宮。但  
愁輕軀細骨不足當。天風欲知齊魯形如何。幾叢蝸  
角攢峰窩。一條黃水似衣帶。穿破世界通銀河。只恨

天上酒杯少。不信世間人。民多九州下。聽聲悄然  
茫。一氣遙無端。脚底葉飛高。鳥背眼前海。走骨懷間  
始知蒼蒼非正色。不然何以俯看黃土如青天。道人  
引我禮嶽皇。瓊樓絳宇何輝煌。聖朝盛德不封禪。相  
如閒殺無文章。七十二代金泥玉檢半沙土。使我懷  
古心悲傷。下山匆匆愁日墮。紅塵回首真無那。不見  
金輪扶出扶桑來。但見峯頭壁月銀盤大。

分校 按甲子先生為沐陽令。聘入南關分校。

沉沉棘院華堂開。戰酣萬蟻鱗甲來。主司裁冠南面  
坐。簾官梯几東西排。一十八人眼如漆。一十八枝筆



植鐵硃字迷離照眼紅疑是諸生心上血披砂檢金  
 金未收暗中默禱心中求榜後但聞舉子怨此時誰  
 識簾官愁百鳥叢中一鶚見再拜親標某官薦朱衣  
 可得點頭無偷看還看主司面孫山以外雖漫漫我  
 誓加墨心才安紅勃欲下不輕下訓誨還當子弟看  
 惜一卷文超羣五經紛綸并大春主司搖手道額滿  
 怪我推輓何殷勤明知額滿例難破額內似渠自驚  
 不獄底生將寶劍埋掌中空見明珠過吁嗟手利  
 有命文無功君不見李方叔蘇文忠

董賢玉印歌

董侯夜醉麒麟殿漢王傳璽不傳印璽墜千年印獨  
 存傳觀猶帶桃花暈雙螭成削陰文裂衛將軍董字  
 堪識想見郎官美惡時人面玉顏如一色郎官傳漏  
 殿上行顧盼能使椒風清高皇天下一笑與乃祖轉  
 愧銅山輕按先生原本此下有並后匹嫡一身兼三  
 此處不應多二句且末聯亦有情字一聯不應重押情韻故刪大賢居位美如詐孔  
 光俯伏單于舞莫道和柔待哀帝亦頗知賢薦何武  
 一朝龍去鼎湖天頓首東廂狀可憐熏香傳粉人歸  
 矣露眼嘶聲賊儼然傳呼收印印早交委命豈待金  
 吾刀絕勝漢家老寡婦兩手握璽徒切切漢朝家法



良州州外戚橫行母后老不容舊寵戲金丸翻許新  
皇鑄剛卯摩君玉壘不勝情憐君福過使災生當時  
用印誅賊莽未必書傳倭倖名

俗吏篇 按先生時為江寧令

勸食升米把酒止古來作吏俗而已矧我作吏赤緊  
全請言其俗一巽然三年沒塔趨下風九轉丹成拜  
跪工金鷄初鳴出門去夕陽來下牛羊同有時供具  
應四方縫人染人兼酒漿有時迎謁跪道左撤公于  
淖猶哀裳祝融不許子同夢新宮半夜鬱悠光捕蝗  
那管汝喝死劉虞露冕橫秋陽衣服學為成慶畫參

軍來從屋漏旁周官三百六十職佛經萬劫千災殃  
頃刻教汝一身當大府文深日怒嗔小吏文巧舞殺  
人鼓吹一部內雷響鐵鎖千行環珮喧高坐腰輿織  
路途居家日日別妻孥豬肝久食客無聊重疊書來  
請絕交有時切切私自語明日出門無所去里保催  
公速下鄉死人橫陳三兩處

火災行

十日融風吹不止烏聲嘻嘻呼滿市縣官此身如沙  
禽中夜時時驚欲起出門四顧心慘裂天地爛如黃  
金色文武一色皆戎粧奔前滅火如滅賊金陵太守



氣尤雄獨領一隊當先鋒出沒黑烟人不見但聞但  
水聲勝騰水龍百道橫空射倒捲黃河向天瀉蚩尤  
妖霧青山崩黑連蒸土白石化須臾半空飛霹靂赭  
瓦頽垣如擲戟不聞知命避巖墻但見橫屍委道旁  
春風雨滌新焦土夜月霜淒古戰場我聞為政無近  
名水懦火烈調其平行火所怖表火道書其赫室寬  
其征此外嫁妹皆小惠禁民夜作徒終更從來心如  
焚不必額盡爛果然曲突有周防何至衣冠坐塗炭  
白日青天莫放懷朽枯枯木能為難

少年行

春花不紅不如草少年不美不如老誰家玉貌馬上  
郎狹路相逢都道好金貂之冠紫綺裘起家身襲富  
平侯與余握手銅龍樓衣香一過三年留阿兄侍中  
郎阿弟都護府果然才調兼文武華堂隸事一百六  
郊外射虎九十五公孫丞相殿上來得邀一語心顏  
開星河沉沉夜漏緊貪看月明不肯寢強拉金吾開  
九門一杯酒寄相思人吁嗟乎男兒結客女務夫只  
有江東孫伯符

代少年答

結客只結孫伯符買奴只買馮子都男兒作健貴少



年安用草元吃吃楊大夫承君贈我詩報君知己恩  
三千疋絹裁百禪八百里駁供一殮猶覺寸心耿耿  
難具言聞君歸娶婦送君西南走珍珠挂車頭珊瑚  
絡馬首忽把金鞭指君口逢人俱道李元忠海內英  
雄都置酒更有數行書憑君傳四方四方有人願相  
見先取菱花自照面

題蔣元葵進士藏書樓

傳家何者多為貴數士之富以書對三閭高樓如水涼  
得書一卷樓皆香我友蔣元葵聚書書如雲連名未  
請宰相署四庫已作蘭臺分常言聚書如鬪寶卿奴

所有安可少牛宏數五尼聞之最懊惱莫使淹中稷  
下有人來舉手未翻先了了我言藏書如藏嬌母使  
韓女怨曠空病腰與其橫陳高皮手不觸不如世充  
沉水秦皇燒物在天地間有散亦有聚惟有書藏胸  
臆間鬼難風災吹不去我不願騎赤鯉登天門但願  
化作白蟬遊此處君聞且笑且點頭手書金筌招客  
遊不讀崔德五千卷莫登宏景三層樓

隴西將軍歌

袁子改官江南行路逢將軍徐國英將軍自言隴西  
住陰山月黑磨刀處磨刀殺敵不殺仇對天呵氣生



金。秋。少。年。耻。作。椽。功。曹。青。海。橫。行。亂。舞。刀。身。披。白。鎧。  
逢。雷。鬪。手。擊。黃。獐。帶。血。燒。高。麗。犯。順。莫。離。支。有。錦。將。  
軍。夜。出。師。其。時。大。雪。天。三。更。雪。花。打。甲。鏗。有。聲。刀。光。  
色。白。火。光。紅。齊。射。戎。王。甲。帳。中。白。骨。掃。盡。髑。髏。臺。箭。聲。  
響。振。武。安。宮。殺。氣。隨。身。化。作。霧。插。花。唱。過。陰。山。東。歸。  
來。萬。馬。齊。昂。首。戴。著。兜。鍪。殿。上。走。常。呼。凌。統。欲。操。戈。  
不。拜。蕭。曹。空。使。酒。銀。鎗。鐵。鎖。九。天。聞。將。軍。獄。吏。果。誰。  
尊。餘。生。宛。轉。君。恩。重。猶。念。山。河。鐵。券。火。老。兵。慷。慨。  
一。何。怒。玉。侯。陰。喝。不。敢。訴。平。生。出。血。幾。石。餘。背。上。箭。  
瘢。三。百。處。陰。雨。金。瘡。痛。未。銷。新。軍。已。換。霍。嫖。姚。於。今。

流。落。江。湖。場。蕭。蕭。鬢。髮。漸。老。蒼。灞。水。有。人。呵。李。廣。燧。  
燿。無。檄。召。陳。湯。當。年。麾。下。僧。騰。客。列。爵。紛。紛。半。鼎。食。  
賜。宴。公。然。肉。拌。貂。搏。戰。何。曾。手。打。賊。吁。嗟。乎。將。軍。言。  
畢。我。心。死。君。不。見。長。槍。大。戟。猶。如。此。

宋徽宗玉璽歌 有序

鄭殿揚得玉璽二。一曰大觀珍珠刻最深。玉  
粹白微滯。疑蝕于火。依今尺博一寸五分。一  
曰秘府珍玩刻稍淺。沁如碎。瘕博一寸七分。  
俱螭龍紐。按宋史大觀二年。帝御大慶殿。受  
八寶云云。然則二璽之為徽宗無疑也。不能



得不能忘付之一歌

鄭君古之符璽郎。珍玩珍瓊家獨藏。朱文深入半寸許。螭龍蟠紐牙鬚張。通天犀。削太華。雪碧桃紅酒麻姑。霜千金難做。今刀鑿一見如逢古。帝王憶昔道君全盛日。金裝玉軸紛摠披。銅篆親成博古圖。法書聚作大觀帖。黃楊春滿絳霄宮。花鳥餘閒召玉工。牙牌親遞劉妃手。畫譜新翻良嶽風。澄心堂紙真珠絹。都在雙螭品定中。一朝兵掃汴城灰。帝去冰天璽不隨。紅羅裹罷三重盃。秋月寒生八寶輝。可憐玉石無情物。不念官家手澤垂。於今流落眼前過。千金難買愁

無那仙籙烟消寶篆存。燈檠土朽冬青大。幾度塵  
意倍憐宣和遺事想當年。勝逢白髮深宮女。同說紅  
羊小劫天。

施將軍廟

將軍名全以小校刺秦檜不克死

一德格天閣正新。一刀殺賊竟有人。敷天冤恨仗誰  
雪。殿前小校施將軍。將軍煉心如煉鐵。可惜荆軻疎  
劍術。事雖不了神鬼驚。懸頭市上香三日。當時元姦  
黨滿朝。縛虎如羊氣太驕。忽然刀光狹路照。太師頭  
上風蕭蕭。嗚呼三字獄。兩宮駕總在將軍此刀下。後



代聞英風尚且有與者君不見腦碎銅椎阿合馬

優孟謔

我優也言無郵尤貪吏而可為今孰知其由廉吏而不可為今子母人尤子不見損下益上土可成邱勿畜勿流水難為溝物猶如此人寧獨不重為告曰子惠恤我我其收乎誰之不如而勿求乎嗚呼叔孫無待後人子其休乎

題蔣盤綺詩冊并序

盤綺書法冠時索婦于閭門白蓮橋號定窰觀音亦知書工楷法有賈胡挾重價篋之臣

矢志歸蔣諸名士艷其事贈詩如梵夾余至

蘇州事已三稔慕蔣之能得人也臨行歌一

詩以別蔣

袁子買舟渡江去蔣郎持冊索詩句冊中名士馬名姬是儂不可無詩處聞道姑蘇有麗卿蕙心蘭質擅傾城能空冀北真無匹才讀周南便有情蔣郎沉醉酒家胡信托黃姑問紫姑玉杵暫迷三里霧綠意遙睇十眉圖子南超乘先相見十丈紅絲親引線宋玉墻頭柳眼青文君曲裏琴心變妾解簪花愛墨莊郎能提筆寫鍾玉定情不用黃金合彼此鴛鴦字一行



微波通後靈犀動錦字分明書鄭重昌谷常歌泥憶  
 雲相如莫笑鳳求鳳智尼將嫁蔡興宗師伯呼車故  
 惱公香粉樓高千蝶撼琅玕紙好萬蠅攻娟娟此豸  
 坐臯臺笑說湖陽事不諧梵蓮豈肯隨波去仙杏終  
 須向日裁按此下初稿有一曲清簫吹鳳紛紛吳市傳佳  
 話留髡席上金釵挂買繡爭將公子描熏香共把觀  
 音畫十里桃花塢最陰年年不斷是春陰按此下初稿有金環  
 照骨同磨墨玉井敲冰共撫琴二句刪不虛漢水三批約償盡紫桑十願  
 心婁羅歷寫綢繆記荏苒光陰二十四兒女成行金  
 屋中路人還說初婚事按此下初稿有阿侯抱出類芙蓉莫愁顏色知相似刪笑

儂歲歲拗花看暈碧裁紅夢轉闌王侯將相成功易  
 才子佳人遇合難輕舟明日趁春潮腸轉車輪酒未  
 消極目苧蘿村在望夕陽愁過白蓮橋

汴梁懷古

汴梁城頭啼杜宇黃昏似向行人語行人駐馬聽斷  
 腸知是當年趙宋王趙家八葉賢子孫神霄聖殿擁  
 紅雲裁詩譜畫稱絕妙只少一事能為君元祐諸臣  
 竄且老黨人碑豎銅駝道賜哀爭看媼相尊排閣只  
 覺髯鬪好自從花石採東南樹上黃封月二三綠竹  
 數竿千艇挽黃楊三本百夫擔萬歲山禽呼接駕九



九華仙子從天下。良嶽烟巒半起雲。樊樓燈火全忘  
夜。幽燕胡馬忽長號。頃刻阿房土欲焦。三千不決東  
周議。六甲空憑道士妖。望斷平安火。不歸金銀括盡  
戰兵稀。慟哭六宮辭。九廟龍袍催殺換。青衣黃沙漠  
漠乘輿去。萬姓哀號留不住。一色宮花牛背馱。回頭  
哭斷河南樹。通德門空噪暮鴉。琴臺月榭鼠為家。晉  
唐書畫商周物。小劫全為塞北沙。行人過此莫沾裳。  
且作風箴戒百王。君不見南關敗瓦霜華白。猶刻宣  
和字一行。

二馬車歌

兩木架車直且方。兩騾夾木馱脊梁。皮韃鐵鏈互攬  
松。盪搖日夜聲琅琅。憶我四年竄幽谷。兩手不復知  
鞭韉。忽然遊興如草發。欲與此物相抵當。鼯鼯鋪褥  
身危坐。天地見我先。低昂橫搖兩尻。直搖背不許粒  
粟。留中腸。平生傲骨矜峻嶒。一旦節籜成糝糠。其時  
北風天雨雪。凍雲隆隆如壞墻。僮僕憐我手皸瘃。油  
衣代瓦張。兩旁湏臾昏黑如載鬼。望氣不復知陰陽。  
我頭岑岑胸作惡。蠶眠繭中死。且僵急牽帷。慢作遠  
視凍死猶得瞻穹蒼。瞪目凝望意稍定。死灰復然神  
洋洋。始知平生惡曖昧。兩眼本是青天光。人生習慣



成自然。二十二日安如床。村荒路滑催早起。明星爛爛夜未央。惟北有斗方若箱。惟南有箕日簸揚。僕夫唱歌我遥答。日出不覺長安長。

秦始皇陵

生則張良之椎荆軻。死則黃巢掘之項羽。燒居然一坏尚在臨潼郊。隆然黃土浮而高。祖龍邯鄲兒竒貨居大賈。為目而豺聲。橫絕萬萬古。既滅周家八百年。更埽三皇五帝如灰土。長城一帶中華墻。金人閃爍青銅光。虎視六合內。自非天崩地拆何所妨。只恐悠悠白日沉。扶桑高登泰岱山。大呼海船來。童男童

女三千人。尋花採藥金銀臺。赭山鞭石龜鼉走。惟有蓬萊宮闕無人開。歸來不作神仙遊。轉身翻為白骨愁。上象三山下。銅三泉鑿之空空。如下天。百夫運石千夫舂。魚膏屋。六編柎封美人如花埋。白日黃泉再起阿房宮。水銀為海捲身瀉。依然鮑魚之臭吹腥風。驪山之徒一火焚。犁鉞編杆來紛紛。珠襦玉匣取已盡。至今空卧牛羊羣。乾隆壬申歲五月。詔遣牲牢祀百王。大宮騎馬踏塚過不擲。天家一炷香。

長安苦熱

南方苦熱宵猶眠。西方苦熱徹夜煎。地高星密大火



近况復赤帝行青天。我來更儻小屋居。如坐甌底圍。  
紅爐手搖大扇兩腕脫。黃沙飛與炎風俱。欲走郊原  
散暑氣。曲江久絕昆明廢。關內真成火德王。渭河已  
作湯泉沸。南山僵立天乾封。大官祈禱雙燭紅。車前  
馬前僧道從。蚩旌火傘聲隆隆。相看揮汗變成雨。何  
處驅雲喚起龍。我無民社例。須到四五轅門五鼓廟。  
干卿甚事作奔忙。旱魃擲掬土龍笑。憶種江南十畝  
桑。北窓高枕清風涼。底事熱中心未了。自尋焦土吊  
阿房。

唐昭宗和陵

長安。李花十八葉。春風吹過無顏色。少陽院裏壽王  
來。粉破金甌偏拾得。壽王扈蹕蜀道眠。一摩曾受軍  
容鞭。軍容威勢竟如此。敢喚門生作天子。家奴難制  
付將軍。從此明堂起陣雲。岐亦爭彈紇干雀。飛來飛  
去欲東殺。朱扎者三墨詔四。一個緇郎呼不至。倉皇  
四顧虎狼羣。誰是官家心腹人。惟有院中韓學士。曾  
讀詩書解愛君。明知精衛空銜土。且喜葵花戀夕曛。  
召來仍恐旁人怪。私語昭容看可在。夜深月黑君王  
來。手握冬郎淚如海。君王雙淚落未消。前旌啟行後  
殿燒。梁武有書求苦蜜石。超無表進秋桃。殿中誰勸



將軍酒皇后雍容雙玉手想吹春風變蒼鷹誰料全家歸虎口免乳難辭十月裝擊毬小隊換諸郎兜籠天婦霜千里絹詔淒清字數行低聲偶語君王耳明日蛾眉血已涼宮門八月夜二更叩門響急銅環鳴美人開門詢未畢忽然花落春無聲單衣繞床走不住龍髯剩有香肩護寢殿刀光玉几明金屏血色珠燈暮叩頭還請活須臾傷心更有中宮誤明日金籠鸚鵡啼聲聲萬歲呼如故太宗王業太蕭條積漸由來非一朝今日軍容專鳳勅明朝向父挂龍鬚那見少康興夏室空聞高貴葬東郊君王圖治當年早可惜

中年事難了生長衰朝作帝難何如平世為農好於今石馬卧秋風春草春花杜宇紅年年嗚咽山陵水不怨朱三怨祖宗

謝鹿詩

家弟保侯明府畜蘭鹿跳出籍敗其葉隨盡明府怒囚之獄子才子馳檄救之且乞之檄成無任使者杭州何西舫孝廉適至喜捧檄鑿行日映四子丁昇檻車至奔觸奮迅不可逼視已而入高山騰深林蹶蹶呦呦首舞至地若曰滅死竄竄且入山如太白流夜郎子



瞻放膽耳也。得其所哉。為詩塵明府為得鹿者謝。兼為鹿謝。

山人山居苦無偶。常思得鹿如得友。鹿本居山忽在官。身雖官途心否否。呦呦聲中張齒牙。琴堂大嚼幽蘭花。使君能吏政尚猛。威不及汝心咨嗟。信陵公子鵠伏嘆。童恢賢令虎畏神。從來國法及野獸。傷蘭之罪如傷人。鐵鎖銀鐺牽鹿到。囚之獄中獄吏笑。雙角權為園土低。生芻難祭臯陶廟。山中之人笑且呼。馳書救鹿鹿無辜。譬如將我束手板。我豈肯循規矩乎。求者不得得者輕。世間萬事何由平。山人養鹿官養

蘭蘭肥鹿健。兩相安。主人大喜阿兄語。赦書立下藜藜鼓。滿山猿鶴迎且舞。誰為嘉賓誰為主。夏麥茫茫草正青。山人日日吹金笙。昨宵無夢竟得鹿。滿庭雨滴芭蕉聲。

白衣山人畫梅歌 贈李晴江

山人著衣好著白衣裳也。學梅花色人奪山人七品官。天與山人一枝筆。筆花墨浪層層起。搖動春光千萬里。半空月闌夜明珠。滿山露滴瑤池水。倒拖斜刷雜亂寫白雲。觸手如奔馬。孤幹長招天地風。香心不死冰霜下。隨園二月中。梅蕊初離離。春風開一樹山



人畫一枝春風不如兩手速萬樹不如一紙奇風殘  
 花落春已去山人腕力猶淋漓君不見君家鄴侯作  
 貴官如梅入鼎調醎酸又不見君家拾遺履帝闈人  
 如望梅先止渴于今北海不作泰山守青蓮流放夜  
 郎沙白髮千丈頭空禿海風萬里歸無家傲骨鬱作  
 梅樹根奇才散作梅樹花自然龍蛇拗怒風雨走要  
 與筆勢爭槎枒山人聞之笑口哆不覺解衣磅礴贏  
 更畫一張來贈我

朱長官歌

一江春水秦淮香一春情緒誰家長陌上亂飛碎蝶

蝶情長誰比朱家郎朱郎窈窕歌清曲小字長官人  
 似至生來蘭質妬紅鸞彈羅鷓絃吹紫竹名平捧檄  
 過江東欲採芙蓉露正濃半夜綠鞵呼董偃一生花  
 底活秦宮纏頭便與教師說書券親同阿母封使君  
 出宰河陽土子都駮乘調鸚鵡擁髻初愁離別難雙  
 樓那識風霜苦可惜花封百里遙桑麻不種種櫻桃  
 禿巾小袖春騎馬水榭風廊夜聽簫行樂竟忘公府  
 名多情且把一官拋人生禍福真難定飲章先有郎  
 君姓按飲與隱通飲章即密邏騎爭為瓜蔓抄龜頭  
 不顧青銅印公家簿錄到園田大索橫搜信入燕南



北竟張四面網將軍不值一文錢豈有胡椒傾八百  
 但聞珠履擲三千街頭爭賣死火牒市上傳觀七寶  
 鞭使君官罷返秦淮滿目山河玉笛哀漢帝有懷尋  
 故劍楚襄無夢戀陽臺巫雲曉散留難住舊南門關  
 打不開惟有朱郎如落葉破船尾上載歸來三年重  
 過板橋頭楊柳霜經幾度秋往日兒郎多取婦舊時  
 火伴半貂裘琴聲都唱秋胡怨請郎別索同行伴誰  
 識心同古井深肯教柱促朱絃斷當時舞罷舊霓裳  
 且付長沙庫內藏上供憔悴青衫容下養婆娑白髮  
 娘烏鴉聲逐金丸冷紫竹床懸斷袖涼燕子不驚二

秃漏芙蓉同死一天霜官場相聚論紛紛羨殺江頭  
 白使君不見雕欄搜綠樹居然海上伴朝雲君不見  
 五侯門前車似霧朝秦暮楚人無數將軍府第畧蕭  
 條幾人任安能不去

徐中山王墓

鍾山之陰亂峯起勢如萬劍青天倚對山華表如山  
 高夫書中山王葬此龍碑摩空字百行銘勳叙戰明  
 高皇草熏日炙難卒讀摩娑青石神飛揚維王二十  
 雲從龍南狗吳會西崆峒懸旗奠與子儀敵張口不  
 談馮異功一朝成定虎狼都拔劍廷臣殿上趨博陸



丹青居第一汾陽甲第賜千區從來烏兔哀弓狗誰  
把兵權釋杯酒尉遲老計託青商亞父危機搥玉斗  
半夜吳山舊神開將軍大醉誰遣來醒叩階前呼萬  
死從此臣心照天子北平軍老朔風殘上將妖星刁  
斗寒可憐恩賜黃銀帶尚有人傳白馬肝唐皇絳帛  
招難起晉武鬚眉淚不乾祈連高塚橋山側昭陵弓  
劍同嗚咽一代風雲竟始終千秋花鳥催寒食野火  
光燒鐵券文杜鵑紅染金創血遊客淒涼淚盈把松  
鼠旣旣騰古瓦欲拾殘槍問戰功諷火牧童騎石馬

小倉選集卷四

錢塘袁枚子才著  
廣漢張懷淮王溪選

醉歌

蒼蒼者天悠悠者土夷齊思黃農黃生薄湯武漢後  
無文章唐後無詩賦一言以蔽之今人不如古天何  
為兮必使古人亡今人補滄海橫流至何所我欲排  
閻闔奪雷斧向天言之天母怒死者吾欲追生者吾  
欲阻西施毛妲常為妻后夔師曠仍擊鼓但生牛莫  
產虎寧無孫莫棄祖時則春王樂則韶舞將見五行



調八荒撫皇天安安享牛脯又何必擾擾紛紛更十  
二萬年而換一盤古

為王壽峯題問天圖做玉川體

我聞秦宓言蒼天實有耳胡為楚大夫問天天不理  
三千年後玉卽來拔劍斫地顛如雷口存三寸不闌  
舌仰首只望天門開更有青雷子下筆巧安排畫作  
奇峯直上離尺五儼然漢武皇帝通天臺手攀星辰  
呼帝座笑殺赤章道士胡為哉一部十七之欲問問  
何處且摘疑端三兩行請風吹入雲中去一牛享天  
天豈飽鼯鼠食之不知惱潮退偏教虜馬來風起

猶嫌殺人少試問謚之如何箋歐公如何考夏后善  
逢迎三嬪獻自天雨暘悉憑應上公霹靂怕逢薛孤  
延昂然操懿來配享文王后稷退避不敢前又何必  
重黎為隔絕黔羸為周旋臣請手斬九閼豹身推阿  
香車白榆燒作玉樓墨銀河洗盡筆底花三十六皇  
各獻狀羣疑滿腹願倩麻姑爬倘有調語問舛錯請  
將臣身賜喂金蝦蟆帝臺浮觴百神方醉忽聞讜言  
翦翦如畏海號噴雨立六沓含星對道是問天天不  
答只恐萬年之後倚栢低蹇人上天都來爭此位天  
帝面方一尺有慚色乃召孔子謀孔子口稱不怨天



恰呼喪子兩淚流。且釣鯉魚逃。豈州更召周公來。命  
代天致詞。衆人又言。周公天妹所生。天有私故。把風  
雷驚破孺子疑。不然剪爪沉河事已矣。至今空自聽  
鴉鷓。周公聞之。只得斷噤。陰唱如蒙。俱正在支吾間。  
忽有褒衣博帶者。自稱唐臣。柳宗元代天作對。大書  
空道天者。乃是太虛之積氣。難捫難舐。青濛濛雨師  
風伯。傀儡耳。木強柴立。隨癡龍奉行。第一次混沌開  
闢。所有之故事。有如優人演劇。不能小變通。一切聖  
狂禍福。風災鬼難。各色目。均是聚六州鐵鎔赤董銅  
鑄成一冊。作交代使。玉帝搖手不得。而后許登庸並

非三科五行。有生尅。亦非天道。幽遠如張弓。並非仙  
舟。佛力能挽轉。亦非真宰。忽醉忽明。聰惟其事。原板  
板故其形。常夢夢君不見。王莽請雷不能下。魯陽揮  
戈。何曾東侵。削龍伯不見短。吹噓火井。何曾紅。又不  
見石補勞女。媧頭觸怒。共工星隕。驚梓慎。月蝕愁盧  
仝。自從開闢。至堯舜。雙丸業已滅。至一分。許何況四  
千年來。滅未終自家。三百六十五度。難料理。那管人  
間。乾啼濕哭。諸沙蟲可笑。世界海。妄窺輪宮。枉剝  
麒麟皮。却鼓擊逢逢。碧天若有情。早已老成翁。太陽若  
下坐。何以燭蒼宮。譬如治察者。尚且學痴聾。偶貴食



餌魚鳥喜偶覆湯火。螻蟻凶只緣人大物。小雞檢校人實無心任過功。何況天關鑰匙藏。在烟霄上清風。一重雲一重赤縣神州九九八十一萬計。中國渺小如蟻蝶。提向瀛洲賣不值錢半通。那能刻雕省記勞化工。汝何不解天殘飲天酒。逍遙富媪游戲星童任黃頰之變青。曾聽剛須之生元。蟲胡為乎學楚狂。呵壁層焦舌燥。徒驚明月而惱清風。王郎聞之心悶悶。姑學聖人存不論。且待十二萬年之後。再與徹底通盤作一問。

五人墓

冤雲四垂風莽莽。銀鑰鐵鎖閭門響。閭門側目耳向天天語不聞。聞東廠東廠逮者周先生。人不識而聞其名。九重天子詔安在。阿儂此處難橫行。李陽老拳一揮臂。萬手如星撒平地。破柱難探逆豎頭。披枝且奪元兇氣。萬人散盡五人存。顏馬周楊市井民戴頭笑見高皇帝。干卿甚事徒紛紛。從此緹騎不敢狂。九千歲事旋消亡。收回七首知何限。抵得彈章更幾行。君不見漢孫斌奪奉格殺單超吏。竟救興先徙朔方。又不見唐五王上陽宮裏相扶將。不與同福同其殃。當時高冠若箕數十輩。子姓跪起如奴忙。豈無麒麟



三丈護華表。早已瀦沃躄牛羊。何人肯奠酒與漿。五  
墳纍纍春淒淒。三月艸長蝴蝶飛。可惜梁鴻生太早。  
只知穿塚傍要離。

贈沈南蘋畫師有序

吳興沈南蘋。畫名藉甚。雍正間。日本國王持  
倭牌聘往。居其國三年。授子弟若干。老病辭  
歸。國王况施累萬。同舟人受簿錄之累。南蘋  
傾所有以償。至家。竟不名一錢。

東陽隱侯畫筆好。聲名大。九州小。片紙能開異國  
香。寫書遠賁東夷島。東夷之國日本強。晉唐書畫多。

叔藏倭人字乞蕭夫子。行賈詩歌白。侍郎將軍重幣  
聘高賢。高士乘舟去若仙。眼驚紅日初生處。畫到中  
華以外天。天風吹下三千里。行畫魚頭見魚尾。斫取  
扶桑作管城。揮毫更畫羊皮紙。紫貝千雙國主恩。鮫  
珠十斛門生禮。蠅點屏風墨未乾。方諸拾淚寫牛欄。  
奇花增入宣和譜。怪石常橫粉本看。三年重作還鄉  
夢。侏僂歌相送。金壓蕭雲行李遲。船因陸賈歸。  
裝重同舟人欠水。衡錢羽化銀杯意。灑然元振萬金  
揮手盡。長康厨內空雲烟。還家身世兩蕭條。流落江  
湖酒一瓢。遊子青衫餘兩袖。畫師白髮老三朝。人生



意氣何偏仄。盛名坎壈如一轍。但使文傳黑水碑。奚  
須家住黃金穴。春來日日烏船通。猶道夷王遣問恭。  
七十二島依然在。只隔人間海一重。

題柳如是畫像

生綃一幅紅粧影。玉貌珠冠方纈領。眼波如月照人  
間。欲奪鸞篋須絕頂。懷刺黃門悔誤投。遺珠草草尚  
書收。黨人碑上無雙士。夫婿班中第二流。絳雲樓閣  
起三層。紅豆花枝枯復生。斑管自稱詩弟子。佛香同  
事古先生。勾欄院大朝廷小。紅粉情多青史輕。扁舟  
同過黃天蕩。梁家有个青樓樣。金鼓親提妾亦能。

奈江南不出。一朝九廟烟塵起。手握刀繩勸公死。  
百年此際盡。萬論從今都定矣。可惜尚書壽正  
長。丹青讓與柳枝娘。

薛一瓢鐫銅杖字曰銅婢屬余為歌

金銅仙人辭漢主。嫁與先生作婢女。先生新娶銅山  
歸。兩足軒軒能健舉。婢子清瘦鑠有神。不言不笑能  
扶人。晝則隨行夜侍側。但見金夫不有身。既不須霍  
光窮袴加護惜。又不慮袁紹妬妻加髡剔。只恐葛陂  
遇水化為龍。轉使老人愁孤立。我聞北朝元魏立。正  
宮先取黃金鑄。后容又聞剽賓範國寶。亦將妃面摩



青銅先生做古作銅杖。特教婢作夫人。相借力橫行。  
花月天平拖。不畏江湖浪。一時名士盡有歌祝君。偕  
老專房多我獨。謝語君應笑。頗聞銅臭喚奈何。

新正四日望山尚書召飲四鼓方歸次日將此  
夕言論賦詩呈覽

正月四日春風新尚書折簡招幽人。幽人家住雲深  
處。白雲帶入朱門去。燕寢凝香靜不譁。香梅間漏後  
堂花為憐。盧植傳經學。特領彭宣拜絳紗。侍兒手捲  
流蘇帳。夫人出見東廂上。身受金闥曠代恩。果然玉  
立天人樣。天家頒到御厨珍。仙鹿黃羊味絕倫。一餐

得飽先生饌。餘瀝還露聖主春。醉步西園待新月。飛  
爭繞郎君筆。揮塵人陪幕府談。提燈僮報先生出。絳  
蠟燒殘第幾條。含商嚙徵興方饒。文章甘苦深嘗處。  
彼此麻姑稼。欲搔自言七十明年度。江花江草看無  
數。戀闕情添屢乞歸。報恩身老時愁誤。按。下初稿有  
腔。只願烟村留雨露。玉帳牙旗。三十年來細回首。負如故。今剛更將舊事說。滄桑惹落燈  
前淚。數行往日先公辭。祭酒曾從藩底識。先皇陽城  
起復恩何速。陸贄登科卷更長。半世閒身加鼎。爲五  
年詞館。即風彊重重獎。許君王詔。臯夔爾日猶年少。  
今夕聽來感不禁。當時身受如何報。夜深官鼓響。藜



葵浴國精神少倦容。廣長舌妙天河水。一樣瀾翻鏡未終。山人還山夜四更。梅花紙帳一燈明。怕成陳迹將詩寫。尚有餘波記不清。

燈舞歌

丁丁暖漏春無風。華堂地裏羅襪紅。清絲流管聲漸紫。催起明月來當空。仙伶一羣貌如雪。霞帔風鬟紅錦襪。裙下疑生五色雲。手中能把星辰活。一燈初出飄紅香。玉女微笑流電光。兩燈交竿相擊撞。釵影珠光共升降。千燈銜尾如雲流。陸渾山火勢不休。苗金鳧鬢水銀海。萬斛螢飛犬業秋。斜穿側疊重起勢。太

乙青慕作遊戲長袖風。回捲落霞霓裳鵠立排成。空映來酒浪臉邊紅。照出歌塵梁上細。一聲清磬將終曲。燭龍隊隊銜珠伏。滿堂賓客眼生花。三日烟虹光繞屋。主人索我燈舞詞。我方惆悵有所思。當年却扇催粧日。正撒金蓮歸第時。

李郎歌 郎名桂官將往甘肅作歌送之

我聞李郎名十年。去年吳下才交言。今年李郎來見訪。握手方知郎果賢。李郎色藝梨園中。李郎行事梨園外。不為李郎歌一篇。那知大有傳人在。郎家舊住闔閭城。折取天香作小名。擷笛不吹銀字管。歌聲時



帶讀書聲受聘南州李姓家纏頭教舞玉鴉又隻屨  
偶停遊子足三春羞殺此邦花鏡中自惜紅顏好西  
施不肯西溪老直走長安隸太常萬人如海知音早  
上公樂部正需人選入仙班寵賜頻燕棲金屋難輕  
出花傍高樓易得春偶然城外笙歌集天上人來地  
上立分得星眸一寸光頓增酒面千燈色秋帆舍人  
二十餘五立長身未有鬚把盞喚郎郎不起怒曳郎  
裾問所以郎言如果博君歡寸意丹心密裏傳底事  
當場為戲謔竟作招搖過市看一言從此定心交孤  
館寒燈伴寂寞為界烏絲教習字為熏宮錦替焚椒

延醫秤水春風冷虛背分涼夜月高但願登科居上  
上敬辭禮佛拜朝朝果然臚傳半天中人在金鰲第  
一舉賀客競携郎手揮泥箋翻向李家紅若從內助  
論勳伐合使夫人讓誌封深陽相公閒置酒口稱欲  
見狀元婦揩眼將花霧裏看白髮荷荷時點首君鄉  
何處最勾留畢將熊姜當五侯熊公自注蔣御史用菴  
熊比部蘇泉姜明府  
四子非為講德論三生同上一鐘樓郎名此際雖風  
動郎心鎮日如山重一諾從無隔宿期千金只為多  
情用嶽嶽高冠士大夫喬松都要女蘿扶日中原涉  
來營賻千里史駢代送孥豈徒周雅稱將伯直可東



京喚八厨笑他兒輩持錢易紛紛多作無名費誰肯  
如郎抱俠腸散盡黃金偏市義再入長安萬事非晨  
星零落酒徒稀惟有狀元官似故鋒車又向隴西飛  
年華彈指將三十身世蒼茫向誰說誓走天涯覓故人  
拚將玉貌當風雪會遲別早我神傷此後相思路阻  
長倘得令君香再接受定傾老耳聽伊涼

十月四日揚州吳魯齋明府招同王夢樓侍講  
蔣春農舍人金樓亭進士遊平山即席有作

魯齋明府今何遜高才管領揚州郡十月招人郭外  
遠風懷想見冷如秋一舟艤向惠因寺滿日天涯名

士至分明此會似當年風景雖同人事異紅橋轉出  
水盈盈楓葉全丹柳半青金粉微銷存舊色龍華小  
劫動深情憶昔平山山最小狐兔荒墳雜秋艸六龍  
兩度作宸遊邱壑經營終未好權使雄心欲見才回  
山倒海起樓臺仙宮偷得釣天樣赤手擎將閬苑來  
開門爛用水衡錢繪影傳圖不計年已把平沙成峻  
嶺更將斥鹵變流泉果然人力能地始信湖山不  
屬天鑿與一過仙香在士女嬉遊終似海酒氣蒸為  
十里雲燈光散作諸天彩一个監司盧大夫短身古  
貌白鬢鬚手握犀盆能養士算清禹筭便利書海內



詩人半貧者。一時腐至推風雅。爭學彭宣拜後堂。甘  
為夫差作前馬。夷門大會珠槃從。此紅橋酒不乾。  
自道歐蘇真再世。三賢祠下屢憑欄。旗亭雪滿新裁  
曲。上已風和共采蘭。二分明月笙歌易。一片憐才意  
思難。功成身退稱知足。誰道危機有倚伏。度支冊上  
秦王章。例竟門前來鬼朴。聖朝不忍下歐刀。盤水甕  
纓息已渥。潘岳閒舌竟不終。褚淵高壽真非福。一夕  
清霜萬瓦飄。巢傾卵覆不終朝。窟營轉覺馮驩拙。金  
散方知阮瞻高。今朝酒客還盈座。曾受恩人有幾個。  
鼃錯方聞東市行。羊曇偏向西州過。嘆息滄桑自古

同。河山如夢酒壚空。主人也是多情者。清淚齊驅滄  
口風。

西安觀察沈永之誤聞余得風痺以狼巴膏見

寄戲荅一詩

風人自合生風病。可惜南風還未競。白傅風痺過七  
旬。笑我年才屆知命。飛言如雨馳入秦。觀察聞之眉  
不伸。把我平生遙按脉。風淫未疾非無因。相如好色  
春滿房。子雲刻苦窮文章。身心兩費寧不匱。風來空  
穴誰遮防。觀察多情愛朋友。欲覓紅霄寄元九。聽得  
狼膏解治風。一時賞遍射生手。塞外擒來雙跋胡。抽



賜去敲投丹爐。紅若丹砂膩若酥。刀圭一七千金須。  
正月十二天醫日。敬勸黃歷封題畢。蠶眼細字加丁  
寧服之。戒內須如僧。紅塵一騎飛如矢。老夫開函笑  
不止。深感真長秤藥情。誤傳海上東坡死。且收藥籠  
心忡忡。三年畜艾將母同。四禪天上我無分。列子他  
年終御風。

知更枕歌為徐椒林作

一更一更枕中起。似有司更藏枕底。挈壺失職已千  
年。此枕胡為尚爾爾。相傳製者漢孔明。法應軍中刁斗  
聲。丞相身亡枕亦去。世間愛睡無人聽。壽春掘地得窀

鼓。范形似枕光奇異。隱隱花枝鐫牡丹。沉沉綠暈浮  
兵氣。凹處堪容一虎頭。兩傍隆起承兜牟。想見將軍  
側耳卧。蝦蟆萬點傳清秋。徐公得之作奇賞。我為摩  
挲發遐想。漢有記里鼓。弩父亭公路可數。唐有知時  
鐵三高五漏俱堪測。趙家別有六更天。劫轉紅羊事  
可憐。從來神物原無偶。得佩龍泉恰有緣。于今扣枕  
枕忽啞。徐公掉首疑其假。我代此枕陳一辭。從來語  
默須知機。君不見四海清寧夜悄悄。銀箭金壺爭報  
曉。枕再多言公亦惱。



小倉選集卷五

錢塘袁枚子才著  
廣漢張慎濫玉溪選

黃鶴樓

不。敢。吞。雲。夢。休。登。黃。鶴。樓。湘。簾。才。手。捲。漢。水。拍。天。流。  
山。影。如。爭。渡。漁。歌。半。入。秋。仙。踪。何。處。訪。懷。古。動。深。愁。

過洞庭

秋。老。一。峰。晴。巴。舫。過。洞。庭。水。搖。天。地。白。山。入。混。茫。青。  
雲。氣。飛。蓬。背。霜。花。落。雁。翎。今。朝。吟。不。得。窓。外。有。龍。聽。

晚坐



晚坐碧波上。飄然白練裙。月島沙鳥語。烟盡水天分。  
洲荻響成雨。漁燈紅入雲。更深尤可喜。官鼓斷知聞。

元旦後二日過牛首宿叢雲樓

一樹梅含夢。三更香滿天。溪聲忙雨後。峰影立燈前。  
且飽伊蒲饌。同參玉板禪。九州人事隔。醒夢摠悠然。

送黃宮保巡邊

萬馬立清霜。將軍出朔方。朝廷西顧重。秋色玉關涼。  
虎帳風雲氣。龍沙劍戟光。今朝起程日。謀報左賢王。  
絕塞昆侖外。天朝本一家。金河無戍鼓。羌笛有梅花。  
贊普甘松市。條支白象車。來瞻令公畢。行及進。

琵琶

放馬生羗養。屯田野鳥耕。好開都護府。寬築受降城。  
弓捲銀河影。兵消老将名。凌烟趙充國。心不重橫行。  
九月防秋畢。孤烟大漠空。班超留侍子。宋璟黜邊功。  
耀甲天山雪。鳴笳瀚海風。燕然人有在。濡筆待明公。

製小艇

一點舟如葉。飄然秋水天。初登波未穩。學盪櫓猶偏。  
拾翠春塘月。浮花日暮烟。朝來忘繫纜。吹過畫橋邊。

引流泉過水西亭

水最交情淡。招之入戶流。近窓涼易得。穿竹韻偏幽。



洗手弄明月。浮觴記小籌。濠梁真可樂。魚影一庭秋。

寄香亭代柬

弱冠編詩集。彭城與鳳陽。馬頭皆楚漢。筆底自宮商。地盡江南界。秋高古戰場。騷人風骨老。強半在他鄉。木葉不知老。當秋尚亂飄。蟲聲入山大。風力出城驕。因起家資盡。詩成歲月消。休文無賴甚。作賦劾芭蕉。

六月二十九日陸姬生一男舉者誤傷其喉墜

地不久而絕

小草留根易。瓊花度種難。琴從中散絕。書付左芬看。文襟衣空製。璋聲聽已殘。斜陽雖自好。無補膝前寒。

老母含愁坐。殷勤作慰詞。道孫生有日。恐我見無期。此語何堪聽。全家一味悲。蒼天與人隔。何處問靈龜。

制府西園小修工畢遊後賦呈官保

不繫舟如舊。亭臺事恰更。添廊通雨露。分竹散秋聲。石罅蒼松補。窓虛碧瓦明。公餘射雕處。楊葉與雲平。

起早

起早殘燈在。門關落日遲。雨來蟬小歇。風到柳先知。身懶常辭客。心虛又改詩。蜻蜓無賴甚。飛滿藕花枝。

夜過瓜州

霜雁一聲語。烟江兩岸秋。蘆花三十里。吹雪滿船頭。



我欲乘潮去孤帆夜不收蒼茫雲樹外明月出瓜州

題史閣部遺像

像藏蔣太史家并其家書都為一卷書中勸  
夫人同死託某某勸慰太夫人末云書至此  
肝腸寸斷矣筆法遒勁

每過梅花嶺思忠淚欲零高山空仰止到眼忽丹青  
睽國衣冠古孤臣髮髮生宛然文信國獨立小朝廷  
已斷長淮臂難揮落日戈風雲方慘淡天子正笙歌  
四鎮調停苦三軍涕淚多至今圖畫上如照舊山河

新月

新月出天上長眉畫水中未能全夜白已覺眾星空  
扶上非關樹吹偏似有風與誰最相識含睇曲欄東

春風

春風如貴客一到便繁華慣送雙飛蝶偏扶半落花  
有情羅幔捲無力紙鷁斜好寄梅消息孤山處士家

病起贈薛一瓢

醫術傳餘技雲池水獨清九天傳姓氏百鬼避聲名  
江孝廉為厲所纏呼  
曰薛君至矣即逃去散藥如頒賑籌方當用兵衰年  
雞掩戶也為活蒼生

偶成



水鳥飛上樹。是誰偷採蓮。爭。蟲魚影。聚。受。露。柳。條。偏。  
紅雨媚朝日。白花明晚天。呼。僮。作。何。語。掃。石。讓。雲。眠。

生女

墮地無人賀。遙知瓦在床。為誰添健婦。懶去報高堂。  
妄想能招弟。佯歡且為孃。江邊有黃竹。慣作女兒箱。

海棠下作

國色天香寵。東風盡力開。仙雲如海立。紅雨作潮來。  
消受難為福。形容苦費才。無慚花命婦。金屋住瑤臺。

偶成

高枕等紅日。天陰屢誤人。辭賓宜小病。多夢惱深春。

曉色水花靜。晚歸山鳥親。自知叔夜懶。卧佛久疲津。  
溪上時獨釣。一絲牽藕花。閒鷗相對立。依水各為家。  
落日未歸海。殘紅入斷霞。蕭蕭修竹裡。兩兩出啼鴉。

嘲眼鏡

眼光原自在。怎仗鏡為能。縱使窮千里。終嫌隔一層。  
有繩先繫鼻。無淚已成冰。徐偃不恣國。瞻馬便可憎。

荀子徐偃王目可瞻馬即近視也

坐主大廷尉。鄧遜齋先生。自蜀之京泊舟白下。  
萬里峨眉月。吹來江上村。師生重握手。僮僕盡消魂。  
鬢髮霜如許。滄桑事莫論。板裾難忍淚。二十七年恩。



賸有升堂客。王褒及李冲。海州州判主發桂上元令  
也喜俱 三人齊北面。一席坐春風。李崇皆戊午秋闈所得士  
在白門 帳尚紅。先生應莞爾。吾道在江東。桃李花全老金燈  
 欲慰蒼生望。全家蜀道還。衫痕巫峽雨。帆影白門山。  
 木鐸三江舊。萊衣廿載斑。即論公出處。久已重人間。  
公於乾隆九年為江南宣諭化  
導使隨遷廷尉乞終養二十年

潼關

雞唱三秦曉。潼關八扇開。九州疑地盡。匹馬上天來。  
 城影高難落。河聲去不回。忘泥忘禁谷。懷古有餘哀。

臺城懷古

五代干戈際。蕭梁最不同。秀才成帝業。名士有英雄。  
 武自騎兵擅。文能金海通。雍州西伯起。白下永明終。  
 勸進書隨例。臨軒道獨隆。瘡痍扶士女。禮樂薦蒼穹。  
 口勅疏經義。腰圍損聖躬。新聲十篇雅。宮體一家風。  
 妖夢中原入。禪心玉座空。嚴關矜鐵牡。第矢喪銀童。  
 少海光先掩。牟尼照忽窮。長歌搥魏闕。短脚犯重瞳。  
 豈忘沉溪竹。偏頌鍛鐵工。傾葵陽獻土。射日早彎弓。  
 婚偽求王謝。繩真縛老公。江聲搖戰鼓。文物變沙蟲。  
 佛看君王餓。花迎野獸紅。天威雖鎮定。日角已疲癯。  
 主父無殘敵。橋山有殞宮。捨身歸小豎。殘局泣湘東。



法會斜陽外。臺城衰草中。紙鷲迷信息。棟樹減青葱。  
松影蒼崖古。經聲杜宇桐。唐朝八丞相。疑是報神功。  
端午泊錫山嵇拙修少宰招飲話舊別後寄呈

四十韵

小隱袁臨汝。遺榮賀季真。相逢端午節。一笑惠山春。  
巢燕雖忘主。馴猿尚號賓。廿年燈火夢。萬里別離身。  
孫寶兒從學。林宗兩折巾。慚非千里馬。曾遇九方甄。  
適館懸方榻。移齋近紫宸。書聲槐市聽。經義禮堂陳。  
地煖花能發。風高翼各振。有緣通世好。無分接清塵。  
枚出孫文定公門 孫賤子南征日 先生珥筆辰飛觴 又出嵇文敏公門

澆未吏。分俸潤行人。碧海翔孤鳳。空江走弱鱗。公才  
懷謝嘏。舊守失王筠。沙坂霜蹄駿。鹽車獨角麟。憶雲  
泥有意。犯斗路迷津。再踏天街雪。重污相府茵。鬢鬢  
臣面改。奕奕獸頭新。令嗣衣辭褐。司農手算緡。李膺  
方接席。丕豹又投秦。讀禮車仍逐。還山手更龜。萱堂  
高甲子。松影守庚申。往歲黃河決。勞公赤舄巡。新詩  
圖扇贈。舊雨點心頻。渺渺瑤華信。飄飄弱水輪。還朝  
歌苑子。贊化佐洪鈞。為奉潘安母。歸尋張翰尊。江天  
揮白羽。腰帶解黃銀。春水潮痕澗。沙堤草色勻。兒時  
思釣弋。膝下問羞珍。觀樂應歌帽。披貂更采蘋。鶯花



歸。吏。部。風。月。識。宗。臣。笑。我。為。殘。客。從。公。作。逸。民。四。旬。  
雙。鬢。雪。百。歲。兩。家。親。飲。水。知。官。味。尋。春。忘。旅。貧。可。能。  
稱。幸。草。差。免。執。勞。薪。逝。水。傷。陳。迹。知。交。感。宿。因。奚。童。  
情。宛。宛。弟。子。禮。恂。恂。半。醉。辭。華。屋。深。秋。望。釣。綸。何。時。  
褚。季。雅。千。萬。買。芳。鄰。

杭太史董浦寄示嶺南集奉酬三十六韻

嶺。海。新。詩。至。空。山。老。鳳。鳴。焚。香。盟。雙。手。展。卷。到。三。更。  
蜃。氣。青。紅。色。釣。天。雅。頌。聲。傳。經。百。粵。地。洒。翰。五。羊。城。  
南。斗。文。星。避。西。河。講。席。傾。塗。金。尋。漢。塔。呵。手。試。端。阮。  
樹。寫。黎。臘。義。糕。題。鬼。子。名。離。宮。開。絳。帳。化。雨。沃。仙。莖。

曉。夢。梅。花。落。高。談。孔。雀。驚。三。千。詩。弟。子。六。一。古。先。生。  
陸。賈。歸。裝。富。庚。桑。尸。祝。成。豈。徒。娛。暮。景。真。足。慰。交。情。  
憶。昔。公。車。召。相。將。殿。上。行。采。薇。前。輩。引。師。律。丈。人。貞。  
德。講。資。匡。鼎。噓。枯。到。彌。衡。充。宗。冠。嶽。嶽。郭。憲。氣。觥。觥。  
夜。訪。蓬。池。月。朝。騎。太。乙。鯨。隨。肩。冰。署。冷。分。手。玉。堂。清。  
慷。慨。論。封。事。寬。容。賴。聖。明。白。衣。辭。領。職。短。插。許。歸。耕。  
為。篆。儂。先。誤。龍。鱗。子。更。櫻。三。山。成。小。謫。一。樣。誤。前。程。  
倭。乞。蕭。天。子。人。師。馬。長。卿。弓。衣。詩。繡。滿。蜀。臂。女。兒。迎。  
近。海。文。瀾。濶。還。家。五。兩。輕。珠。娘。曾。買。否。臬。博。幾。輸。贏。  
五。十。喪。無。毀。三。虞。事。未。營。菰。蘆。還。薦。士。時薦一胡猿  
生來白下猿



鶴豈忘盟感舊山陽笛藏書晏子楹有人遊白下幾  
 載滯歸旌鄉井離黃籍江東作步兵書來風動竹別  
 久柳啼鶯以我紅顏改知君鬢雪盈無車難越吊望  
 遠但沾纓想和軒轅律遙吹子晉笙蒼茫千里月執  
 訊代班荆按先生諱世駿字董浦浙之錢塘人舉博  
 學宏詞其嶺南集乃為粵東端溪書院山  
 長時所作甲子岳典試粵東訪得其集其中名山  
 大川無不形之篇什佳句甚多半皆膾炙人口所云  
 嶺海新詩至空山  
 老鳳鳴蓋紀實也

排律一百韵寄懷魚門

良友經年別空山有客悲為憐新歲月轉憶舊交期  
 衰燦通門日程生傾蓋時長淮清口驛古廟水仙祠

令尹猶青鬢司空已美髭笑言何晏晏風貌頗惔惔  
 態愛張長史才憐江揔持潼陽儂縮綬湖嘴爾乘騎  
 路過頻投宿官間輒枉緹襟懷似膠膝交好及墳麓  
 令弟璠璣器賢兄虎豹姿稱觴分筮日折柳定連枝  
 雜珮同摩弄危言互詆嫖相看顏沃若屢忘夜何其  
 經紀勞滕叔資糧托趙熹海疆為政滿琴鶴向南移  
 來下陳蕃榻同看街彈碑評量循吏傳傾倒落花詞  
 卧疾煩稱藥行藏代撰著愛人真以德好爵不教縻  
 舍人勸之疾此際先生富豪名萬戶推丁年羅寶墨  
 甲貨擅鹽池羶行賓朋集虹霓鼻息吹非喪猶贈襪



未病已復者服舍人每日許鄴架瑯嬛物淹中稷下兒搜  
羅窮亥豕排列滿學愚漸見銅山削遙聞粟廩卑奔  
秦無晉盜殲遂有齊師張博空餘債相如竟少貨豐  
貂都解庫素履欲騎危拔宅才終訟舍英詎療飢窮  
通奴僕換肥瘦弟兄離老妾捐釵珥嬌妻鬻屨屨誰  
知遭索莫不是累遊嬉生性原通脫為儒好布施行  
仁朝煦煦履義暮跂跂北上蘇秦轍南征子重威噓  
枯鄰潤澤溫券禮委蛇守歲頭須竄持錢石氏欺牢  
盆他手寄鞫錄此身疲兩度鸞膠續三年帶下醫杏  
塲兒女累揚楸友朋貽河決流難塞門開閉已遲代

人。權子母。先自罄。銖銖。未慮船無底。歸墟水不支。八  
厨名太重。六虱病難治。且喜貧雖極。斯人總未知。九  
流談衮衮。百氏校孜孜。杵硯心成臼。焚膏日下惟。勤  
同夏侯勝。勇甚狄虎彌。七轡三桓問。千門萬戶疑。搖  
唇珠貫串。隸事錦參差。高可箋星象。低能畫地維。吟  
成銅鉢待。賦罷曉鐘催。瞿所詢。方朔鐔于辨。斛斯苦  
心神自鑑。為善福終隨。風順旃檀馥。文高黼黻宜。乘  
輿南駐蹕。多士例陳詩。獨上金天頌。頻領聖主  
頤。御屏標第一。海內賀相馳。覆試端門左。排班白玉  
墀。盈庭皆舉首。欽步習朝儀。洗盡科名恨。欣霑雨露



滋鬢飄長似戟冠大稱如箕徽省清巖地冰廳詰命  
司聽人呼小鳳頃刻駕文螭連歲來江左偏予接履  
綦春深烟滿樹秋老菊侵籬大會夷門客高傾河朔  
卮燈光奪明月花影動玻璃衆裏談尤密更深枕尚  
歌四愁分解脫三樂共琉璃犬熟先銜帶僮馴慢捧  
匣書探邊氏腹酒習沈家脾為看黃金榜先傾白接  
羅聞君上鰲背勝我拔蠶旗腸斷驪歌唱年俱馬齒  
哀班荆情宛轉握手淚紛披已向棲霞送還從邗上  
追淒淒同下拜恨恨兩難辭嗣後三山叟真同一足  
夔漆園仙蝶化羊館老龍癡君子維安雅何人共振

奇皇皇喪家狗霍霍失鷹師小減樓臺費長甘竹水  
怡巾車走吳會蘭櫂泛鳴夷女嫁新孀矣兒令且聽  
之時兩姬高堂猶健在萬事等閒窺想見彈冠客公  
然向日葵鳴珂趨殿陛待漏喚僮廝馬初銜轡雄  
雞豈憚犧將無迷廣樂孰與辨澠淄王意擇人述民  
情計相咨遭逢雖偶爾公輔定從茲白下常西笑長  
安似奕棋鱗鴻探信息金玉憶鬚眉吏局班彪入近  
纂修除書常哀為勉旃秃角永見豹留皮吏隱鴻  
通鑑人天萬里思堪消一千字舍子更遺誰

哭莊念農太守



八面才無敵。三生數忽終。大名君世上。小傳我胸中。  
鬱鬱匡時略。觥觥行已衷。神機堪肆應。圭撮極明聰。  
決獄弦章善。均輸管子工。迎鑿四回事。借箸一人功。  
心力經營畢。榮華頃刻空。黃堂才綰綬。紫府遽鳴驄。  
學易年非老。當官氣正充。交情深甘載。佳話滿江東。  
愛我詩親寫。招人謨必豐。清光蕭寺月。丹葉攝山楓。  
洒翰千章和。挑燈一榻同。每逢三令節。各逞半英雄。  
攄笛春聲艷。藏花酒浪紅。可憐追往事。倏忽過春風。  
夢蝶莊周化。逢雞謝傅凶。公與夫人同夢白雞集胸  
青琴音渺渺。逝水去匆匆。雨急摧湘芷。霜高隕井桐。  
竟以酉年卒如謝公故事

故人零落盡孤殺一哀翁。



八人來。恭。盡。解。好。一。東。餘。

小倉選集卷六

羅昭諫墓

遠望龜江氣寂寥。江東遺塚草蕭蕭。三生金榜無名。字一卷。唐詩殿本朝。照壁紅紗曾志罷。隔簾嬌女罷吹簫。傷心枉進英雄計。花醉華堂淚未消。

巴陵道中

洞庭西去女郎祠。來慰行人有畫眉。山。縣。城。荒。闕。店。早。成。樓。燈。遠。泊。船。遲。方。言。莫。辨。思。重。譯。異。鳥。無。名。愧。

錢塘袁枚子才著

廣漢張懷漣玉溪選



學詩難得高工解人意每開牕處對花枝

題張睢陽廟壁

刀上蛾眉喚奈何將軍隣境尚笙歌殘兵獨障金淮  
水壯士同揮落日戈六射鬚眉潭不動一城人肉已  
無多而今雀鼠空啼窻暮雨靈旗冷薛蘿

入翰林

弱水蓬山路幾重今朝身到蕊珠宮尚無秘省書教  
讀已見名箋字不同班管潤生紅藥雨錦袍香散玉  
堂風國恩豈是文章報况復文章尚未正

到家

遠望蓬門澍彩竿舉家相見問平安同欣上苑榮歸  
早尚說長安得信難壁上沉金經雨淡窗前梅柳帶  
春寒嬌痴小妹憐兄貴教把宮袍著與看

改官白下留別諸同年

三年春夢玉堂空珂馬蕭蕭落葉中生本麤才甘外  
吏去猶忍淚為諸公紅蘭委露天無意黃鵠摩霜夜  
有風莫向河梁頻握手古來溝水尚西東  
頃刻人天隔兩塵難從宦海問前因夕陽自照平臺  
樹修竹誰栽小苑春五月琴裝催下吏一時酒盞遍  
騷人相看行李無他物賸有蓬山雪滿身



青溪幾曲近家居。天許安仁奉板輿。此去好脩循吏傳。當年枉讀上清書。三生弱水緣何淺。一宿空桑戀有餘。手折芙蓉下人世。不知人世竟何如。

繞袖爐烟拂未消。征衫還帶五雲飄。江山轉眼離雙闕。風物從頭問六朝。報國文章公等在。出都僮僕馬蹄驕。他時烟雨琴河外。遠聽鈞天碧玉簫。

落花

江南有客惜年華。三月憑闌日易斜。春在東風原是夢。生非薄命不為花。仙雲影散留香雨。故國臺空賸館娃。從古傾城好顏色。幾枝零落在天涯。

也曾開向鳳皇池。去住無心鳥不知。掃逕適當風定後。捲簾可惜客來時。肯教香氣隨波盡。尚戀春光墜地遲。莫訝旁人憐玉骨。此身原在最高枝。

后土難埋一瓣香。風前零落曉霞粧。丹心枉自填溝壑。素手曾經捧太陽。疎雨半樓人意懶。殘紅三月馬頭忙。莫嫌上苑遮留少。宰相由來鐵石腸。

玉顏如此竟泥中。爭怪騷人唱惱公。茵溷無心隨上下。尹邢避面各西東。已含雲雨還三峽。猶抱琵琶泣六宮。花總一般千樣落。人間何處問清風。

謁長史畢歸而作詩



初時手版應官去。大府巍巍各識荆。問到出身人盡  
惜。行來公禮我猶生。書銜筆慣字難小。學跪膝忙時  
有聲。晚脫皂衣歸邸舍。玉堂回首不勝情。

殘雪

一夕天風洗素粧。六宮粉黛減容光。早教醞釀成霖  
雨。敢為飄流怨太陽。湘水自沉青玉案。山人還戀白  
衣裳。遼城鶴去無多日。收拾蓬萊萬斛霜。  
北斗離離柄指春。散花天女尚留痕。心虛解脫汙泥  
累。身隱能全日月恩。江上一簑誰把釣。酒家雙屐自  
關門。蹇驢此際詩情好。半在山橋半水村。

一別青天路已遙。江山容得幾瓊瑤。敢橫要路招人  
掃。且學輕冰著雨消。去有後先分冷煖。住無高下任  
飄搖。輸他柳絮顛狂甚。轉得因風上九霄。

相看心跡喜雙清。家本蓬萊舊玉京。已逐樓臺生厚  
薄。尚嫌黑白太分明。瓊漿早識來時路。膏雨常留去  
後名。記得水精簾下事。梁園回首不勝情。

哭蔣靜存編修

明知路十原難老。爭奈山松悵失羣。一榜少年今剩  
我。九原才子又添君。荀郎阿鶯春誰嫁。稚子南州路  
隔雲。遙寄清商三調曲。聲高要使彼蒼聞。



荅曾南邨論詩

提筆先須問性情。風裁休劃宋元明。八音分列宮商韻。一代都存雅頌聲。秋月氣清千處好。化工才大百花生。憐予官退詩偏進。雖不能軍好論兵。

春日初長散衙甚早喜而作詩

槐花春暖滿衙青。不著烏靴上訟庭。牒少卷無三寸厚。心虛判許萬人聽。紛紛雀角風將息。漸漸蒲鞭響亦停。笑問功曹諸事畢。手籠詩牒下西廳。

春柳

靈和殿裏舊心情。移向江南百感生。腰折難禁春雨

郊行

郊行便覺少風塵。况復秋光景物新。禾黍迷離昏吏影。米鹽瑣屑宰官身。山中判事書花葉。樹下停車聚野人。一路銅駝同石馬。不知何代物橫陳。

初得隨園王孟亭沈補蘊商寶意載酒為賀得園字

野徑初聞僕從喧。小倉溪上酒盈尊。暫時邀主先為客。異日將官易此園。萊竹依窗如有待。青山入座總忘言。諸公莫笑柴桑陋。剛稱淵明五柳門。

秋夜與故人同宿作



余與同年曾南村黃笠潭改翰林為令官江  
 南六年丁卯九月二公校秋闈畢來宿署中  
 時南村已遷廣德而余刺秦郵之信即議不果  
 上下江分易別離春花同落不同飛頭銜即席微微  
 判香案前生事事非數到科名吾輩老認來僮僕舊  
 人稀一州斗大談何易可奈停年格又違尹公一奏許以三年

一卷

心似彈棋局未平嗇夫中有鄭康成八年縣譜談何  
 易一卷讒書著不清年命憤遭磨蝎累宦情都付子  
 規聲回頭尚剩桃花米且去江東作步兵

津陽門外賣車欄不畫凌烟興已闌都會自來迎送  
 地龔黃可是應酬官情知風利船何泊且喜花飛露  
 未乾試看永明春正好神仙早掛竹皮冠

冬月送尹官保入覲

十月霜風響玉珂尚書應詔走關河心如遊子冬  
 温切事為蒼生面奏多六出花隨鞭影動九重天聽  
 履聲過遥知吉甫趨朝日剛和彤廷瑞雪歌

送尹官保移督廣州

台星移照五羊城頃刻慈雲萬里行自有謝安江左  
 重恐無嚴武雪山輕黃花香晚秋容淡紅葉霜乾驛



路清兩度南邦。送生佛者。番情勝往年情。  
百粵清風。手護持。越王臺上。柳如絲。調停猛性。難馴  
處。珍重。蜜烟。午到時。莽莽江聲。催鬢髮。荒海氣動  
旌旗。尚書病起。應消渴。剛好水盤。進荔枝。  
多蒙青眼。盼衰安。薦表千行。墨未乾。依倚。半生真我  
幸挽回。一命。教公難。豐城已掘。光仍掩。朽木。重雕望  
正寬。此日成連。琴忽斷。萬層海水。自波瀾。  
陽關一曲。月西斜。彈指何年。侍絳紗。生更難逢。韓太  
尉。知而不遇。賈長沙。宦途黑漆。三春夢。故國青山。兩  
鬢華。幸有文章。抽手版。尋公容易。到天涯。

小倉選集卷七

臨安懷古

曾把江湖當敵攻。三千強弩。水聲中。霸才越國。追句  
踐家法。河西做。寶融宰。樹重重。封錦繡。官花緩緩送  
春風。誰知苦創東。周局留與平。玉避犬戎。

謝太傅祠

一笑翩然載酒行。東山女妓亦蒼生。能支江左偏安  
局。難遣中年以後情。花下殘棋兒破敵。燈前老淚客

錢塘袁枚子才著

廣漢張懷漑玉溪選



彈箏荒祠隔葉黃。鸛語猶似當初綠竹聲。

哭金少司寇

公諱棋。巡撫廣西。入都為司寇。被劾。挂冠。歿。後授河南布政司。枚弱冠。受知薦鴻博。入都。事載文集。

一紙黃麻照日開。千年白骨已蒿萊。朝廷不信陽城死。河北空傳寇準來。臣力盡時無別恨。君恩深處有餘哀。西山九曲峯前水。嗚咽墳頭日幾回。

沐陽雜興

得柑郵驛本寥寥。迎送高軒頗折腰。紅葉影映驢背

遠。黃河聲。傷馬頭。驕浮。天水。入東西路。入境。蝗如早。

晚潮。莫恠衣冠文物少。科名人已隔三朝。邑中胡少宰順治進士此後甲

絕榜遂

學作蠅書小姓名。耻騎羸馬說官清。棉花雨後開成雪。麥艸春來綠進城。獄豈得情寧結早。判防多悞每刑輕。公堂常作書堂坐。坐到無人一鳥鳴。

偶成

不戴華陽自製冠。蛾眉獨畫要誰看。學書未就求人苦。佳句雙存割愛難。官後始知貧賤好。瘦來頓覺早秋寒。眼前有路名山去。願向盧敖借釣竿。



淮上中秋對月

長淮波冷碧雲殘皎皎當空碧玉盤四海共傳斯夕好八年不在故鄉看銀河有影秋心老仙露無聲雁背寒建業風情京國夢一時和酒上眉端

署中感興

日飲黃河一尺冰宦情風景兩難勝民驕已似衰年子官苦原同受戒僧半局棋聲催客雁滿庭秋影淡書燈尔來悟得孫登語慚愧人前百不能

到江口

紅墻蕭寺小門開片片斜陽落葉哀海色夜涼雙雁

語江心人靜一燈秋風搖逆水青天動鐘打空山白浪迴手拍闌干當檀板悲歌何處不徘徊

閒遣

瘦脚白翎老鷺鷥對人飛入梅花枝大江浮天月皎皎小舟繫樹風絲絲開窓好在有山處上馬正逢無雨時野行十日幽趣熟昏吏學官偷咏詩

哭鄂西林相公

余詞館三載不掃公門及以國書考下等公病中聞之力疾趨朝指謂諸相曰袁某去可惜少一名翰林及詔下以知縣用公名



三  
餞之退謂人曰公等但知渠文學余決其必  
任吏事

當年遭際遇先皇曠古恩榮話最長如朕親臨朝  
出塞為卿眠食夜焚香訐謨語密青蒲煖顧命身孤  
玉几涼爭恠報恩心力盡旁人聽也泪沾裳

挂冠

曳紫拖青咲蛤魚年年戶限最難居未能閉閣常思  
過且乞還山再讀書楊素無兒供灑掃潘安有母奉  
花與一灣春水十竿竹容得詩人住艸廬  
樂府空歌臣馬長十年不召老淮陽春潮有折蓬歸

海秋露無聲暗結霜指膝自憐曾汝負飲泉終竟是  
誰狂愛他嶺上孤雲意合雨空歸作小涼

南樓獨坐

華子中年屢病忘霍王無短更無長編詩只覺近年  
好對酒每思當日狂家為種花貧亦得身原思退老  
何妨風簾殘燭亭亭坐閒看兒童蠟鳳皇

春興

身居宏景三層閣家住香山八節灘愁踐落花時讓  
路愛生春水獨憑欄朱藤架老蜂喧早薜荔墻高蝶  
過難呼與樵青作僮約幾痕新雨試魚竿

小倉集

卷二

四



哭襄勤伯鄂虛亭

聽築長圍幾萬重。將軍匹馬獨臨戎。天山掃雪兵猶戰。青海啼烏帳已空。拜表波留秋草上。彎弓絃斷夕陽中。男兒欲報君恩重。死到沙場最善終。

過蔡蒼舊宅

久將桑梓當龍荒。舊宅重過感倍長。夢裡煙波垂釣處。兒時燈火讀書堂。難忘弟妹同嬉戲。欲問隣翁半死亡。三十三年多少事。幾間茅屋自斜陽。

題陳古漁詩卷

新詩一卷勝方干。當作楞伽靜夜看。孔翠屏開花爛

熨清商琴老調高寒。地。代悲歌易胸有千秋下筆難。我學王戎留贈語。森森更願束長竿。

哭沈補蘿

傷心張耳鬢如絲。曾見夷門大會時。四海清流今日盡。三朝遺事夕陽知。風摧漢代靈光殿。名重蕭梁老婢師。最晚逢君偏早別。淚痕空灑碧梧枝。

題故人畫有序

余友李晴江畫梅絕奇。委化後人藏者輒屬予。加墨以晴江之好予也。再來叅戎與晴江同姓甚懽。丙子秋引例來請。值予病疴久度。



高閣主人疑余忘之矣分

友五展卷見梅

花如見宿草與其上求巫陸不若招魂於紙

上為書一律質生者質死者并質之梅花

幾番怕見晴江畫今日重看淡又傾十四幅梅春萬

點一千年事鶴三更高人魂過山河冷上界花輸筆

墨清聽說根盤共仙李暗香踈影盡交情

咏錢

人生薪水尋常事動輒煩君我亦愁解用何嘗非俊

物不談未必定清流空勞姹女千回數屢見銅山一

夕休擬把婆心向天奏九州添設富民侯

鏡

盈盈一水寫風神惆悵劉雞舞罷身望空堂疑有

路照來如我竟無人得知宜稱姓他改解共悲懽汝

最真願取蟠龍安四角滿林花影盡橫陳

燈

別酒林浪夜雨聲空山紅處野風驚並無喜事花常

報為有黃昏色轉明歌舞當場春夢短江湖回首玉

堂清除將書卷雲鬟影不領銀釭一點情

答程魚門覆舟見寄

久別青琴海上音忽然彈作水龍吟文章偶有清流

小倉集卷七



禍神劍終無化去心。長願伊人歌宛在。何妨與世暫  
浮沉。水經註。疏河渠考。此後輸君閱歷深。  
年來陶峴卧烟霞。不泛張騫萬里槎。樂府怕歌公竟  
渡。輕鳧且傍水為家。易林曰。鳧雁。啞以水為家。天邊酒賀重圓月。池  
上風驚未墜花。聽說寸函隨隻履。轉疑龍女愛瑤華。  
書來稱失去一履及鄙人九月書函

陳古漁新婚

一卷文傳紀錦裙。鬢鬢夫婿久超群。阮修婚費名流  
助。張祐才華女子聞。紅豆新詞南浦雨。海棠春夢板  
橋雲。匏瓜無匹今休感。已覓玄霜見少君。

標梅休註鄭康成。春晚花遲最有情。貧士家原需健  
婦。高人妻亦喚先生。承歡聽唱姑恩曲。擇木看飛谷  
口鶯。古漁成婚兩遷其屋從此蘆簾燈似雪。吟詩決定是雙聲。

寄懷樹齋侍郎時領威遠大將軍印鎮守北路  
侍郎持節鎮樓蘭。都護新開幕府寬。我輩尚將儒者  
待。朝廷久當重臣看。瞻來福相三軍喜。傳出華年九  
塞讜。立馬天山莫回首。望鄉臺恐在雲端。

揚州留別四妹

赴宴朝朝薄醉歸。累君相待夜眠遲。已沉玉漏聽炊  
粥。重剔銀燈乞改詩。半刻偷閒談往事。一聲說別問



來期風寒日短吾衰甚此後行踪江水知

宮保嫌枚久不往賦詩言志

不是師門意懶行尚書應諒此中情聽來官鼓心終  
怯換到朝靴足便驚老眼書街愁小字詩人得寵怕  
虛名閒時每看青天月長恐孤雲累太清

送程魚門之京師

省郎簪筆待彤闈乘風向北飛深喜故人從此  
貴恰憐知己自今稀長卿家破官纔得翁子才高願  
豈違思住頭顱未成雪聖明時際莫言歸  
幽燕此去路迢迢往日鴻泥跡未消判事莫談溫室

樹。遷官穩戴侍中貂。十行漢詔揮新墨一卷唐詩補  
早朝想見上林烟柳外季良長鬢影飄蕭

哭溧陽相公

公十九歲入翰林以江南人總督江南庚辰重  
赴瓊林事見文集

三台星拆上公嗟中旨遥聞卹典加少着官袍才出  
學老依黃閣當歸家殊恩鄉里曾開府佳語瓊林  
再看花六十六年享天祿人間何處說榮華  
一見相如賦上林推袁到處比南金許為國士言猶  
在不薦彤廷感更深花落尚存含露態山頽永斷出



雲心史官儘寫哀榮事。那識羊曇淚滿襟。

哭壻

老人亡壻當亡兒。簌簌臨風淚暗垂。擬把衰年托嬌客。誰知白髮送瓊枝。數雖前定是難捨。病竟無名死尚疑。聽喚阿爺曾幾日。一場春夢不勝悲。埋玉新房舊館甥。女兒擎藥等鷄鳴。情癡屢下庸醫拜。力竭空餘禱佛聲。宛轉檀奴難決別。彌留叔寶尚神清。禁他十七紅顏婦。斷雨零風了一生。

小僕琴書事我有年。今年贖券去跪辭。淚下余亦凄然作詩送之。

都兒洒淚別陽城。來是垂髫去長成人。好纔能八年住春歸。那忍一朝行交還鎖鑰。知誰托欲掃樓臺。誤喚名總為香山居士。老楊枝駱馬倍關情。

代琴書答

畫梁春燕去猶悲。况是巴童別主時。洒掃應教新隸學。性情惟有舊人知。書防起蠹勤翻貝。花為宜瓶巧折枝。神爵三年買奴券。袖中擎出淚如絲。

望山相公秋後入閣預賦送行

平章秩後入楓宸。消息愁教父老聞。朝裏自然需上相。人間未免戀慈雲。當時澤只三江占。此日恩同



四海分。儘把嘉謨作辰告。遭逢難得。聖明君。公有姚崇十事

要說之意去  
藍商其一也

金陵久住似家鄉。此別知公也。斷腸蕭寺鶯聲何處

聽。棲霞山色為誰蒼。水寬魚安遊時樂。春好花留過

後香。自笑門墻小桃李。他年人且當甘棠。

記從弱冠侍蓬萊。老去心情倍愛才。得句每教濡筆

待升堂。偏喜此人來。為憐母老調羹賜。屢盼兒生寄

信催。但看詩箋識恩重。碧紗籠處聲成堆。

驪歌一字一深情。唱到陽關結尾聲。黃閣人行秋萬

里。青琴弦斷月三更。重披絳帳知何日。已傍龍門過

半生到底思公公。不遠中台星照大江明。

望山相公眷屬先期入都。枚入謁見白猫悲鳴

繞膝公為淒然不樂。因以詩乞之。

烏圓為送主人行。似抱離愁宛轉鳴。繞座已無雲鬢

影。聞呼還認相公聲。也同遺愛甘棠好。可許尋常百

姓迎。小畜有靈應識我。絳紗帷裏舊門生。

猫來後又以詩謝

狸奴真个賜貧官。惹得群姬置膝看。鼠避早知來處

貫。魚香頗覺進門歡。果然絳帳温存久。不比幽蘭服

侍難。公賜素  
蘭葦矣寄語相公休念舊。年年書札報平安。



送相公渡淮尚未拜別而八騶忽駕遣使者來  
辭舟追不及愴然有作

畫戟飄霜去莫追先生辭我我能知為憐終有分襟  
日不忍重看下拜時秋水連天含睇遠孤雲離月獨  
歸遲短篷細雨清江路白盡彭宣兩鬢絲

雨過湖州

州以湖名聽已涼花蕪城郭雨中望人家門戶多臨  
水兒女生涯總是桑打槩正逢紅葉好尋春自笑白  
頭狂明霞碧浪從容問五十年來得未嘗

迎鑾應制

黃河堤上簇金鞍玉滿群山雪未乾日馭豈辭千里

照天容原許萬人看梅花不落紅雲護春水方生

御舫寬野麥青青蠶蜿蜿愛從此處問艱難

聽說先皇駕六巡迎鑾還有白頭民松雲不

改堯心舊河海重看禹力新慮損田禾行緩緩怕傷

物力詔頻頻瓊林烟雨瑤池水流到江南總是春

赴官秦中出彰義門作

十年辭闕竟重還一檄文書又赴官雙履見飛朝漢  
遠五羊夜少入秦難歌聲舊愛伊涼聽山色新添華  
嶽看傳說關中多勝蹟男兒須到古長安



閩鄉道中

閩鄉西去走車難。石子雷礮路百盤。沙起馬從雲裏過。山深天入井中看。人穿三窟懸崖險。地裂千尋大壑寬。誰道河南四時正。春風一日兩溫寒。

秦中雜感

高登秦嶺望褒斜。鐘鼓樓空噪暮鴉。古鏡照殘宮殿影。書堂吹入戰場沙。賀蘭風信三邊笛。杜曲霜痕九塞花。每欲憑欄怕惆悵。二千年是帝王家。  
三唐雁塔聳秋霜。一過摩挲一自傷。倭國不求蕭穎士。都門誰餞賀知章。空教閭闔采天馬。是處阿房集

鳳皇欲賦西京無底事。玉魚金盃盡悲涼。

乙弗后寂陵

寂陵雲氣動高秋。積麥厓空雨未收。殿上龍衣憂社稷。宮中鳳輦入山邱。新人如挾三軍至。故劍恩從一哭休。比到和番更幽咽。斷烟衰草至今愁。

過鄴下弔高神武

唱罷陰山勅勒歌。英雄涕淚老來多。生持魏武朝天笏。死授侯殺賊戈。六鎮華夷傳落布。九龍風雨聚漳河。祇今尚有清流月。曾照高王萬馬過。

戲馬臺弔宋武帝



身披衲襖博千場。萬馬登臺劍有光。一逐水仙歸大海。三擒天子出咸陽。白紗帽急金甌小。野葛燈懸玉燭忙。可惜雄心當暮齒。關中文老易沾裳。

博浪城

真人採藥走蓬萊。博浪沙連望海臺。九鼎尚沉三戶起。六王纔畢一椎來。虎龍有氣黃金盡。山鬼無聲白壁哀。大索十旬還撒手。此君終竟是奇才。

澶淵

路出澶河水最清。當年照影見親征。滿朝白面三遷議。一角黃旗萬歲聲。金幣無多民已困。燕雲不取禍

終。生。行。人。立。馬。秋。風。衣。懊。惱。屏。王。早。罷。兵。

汾陽王故里

甲第曾將永巷收。千門華屋感山邱。功名遠掃蕭曹局。歌舞長消蠶種愁。一代侯王供僕後。半房兒女任啁啾。歌姬拍酒事見大唐新語我來難免親仁里。暮雨瀟瀟過華州。

杜牧墓

蕭郎白馬遠從軍。落葉樊川弔紫雲。客裏鶯花逢杜曲。唐朝春恨屬司勳。西園談澤潞兵三萬。論定揚州月二分。折芙蓉來酌酒。有人風骨類夫君。

忠勇傅公挽詩



捧日雍容三十年。一朝星隕紫薇邊。恩雖外戚才原  
 大病為南征。死更賢忍見。聖躬親奠酒。更無內相  
 力回天。夕陽望。繡貂蟬。初羽騎。黃門盡。黯得夕見者惟公入  
 少年曾作霍嫖姚。洗甲金川賦早朝。銅柱千尋留絕  
 域。天章九錫下丹霄。百臣諾諾堦前立。甲第沉沉海  
 樣遙。如此榮華如此福。平兩字。搃能消。  
 溼却南蠻奏凱歌。竟勞一將走滇河。功名晚累吳明  
 澈。壯志人哀馬伏波。烟無那知公相賁。天威終到鬼  
 方多。送公魂入昭忠廟。小阮猶提殺賊戈。  
 下士無端哭上公。此身雖賤感恩同。談深各倚宮

小倉選集卷八

錢塘袁枚子才著  
 廣漢張懷漣玉溪撰

偶作

種樹成香國。關門作睡玉。近來客解事。都不早升堂。  
 怕見有求客。不栽難蓄花。兒童忽驚報。狂竹入鄰家。  
 月下掃花影。掃勤花不動。傳帚待微風。忽然花影弄。

莫愁湖

澹澹春山小小舟。一湖水氣濕粧樓。六朝南北風流  
 甚。天子無愁奴莫愁。



再題馬嵬驛

香囊消釋玉魚涼。萬國園陵白露荒。聽說西宮恩幸少。梅花猶得落昭陽。不須鈴曲怨秋聲。何必仙山海上行。只要宋姚還作相。君王妃子共長生。

邊歌

邊歌唱罷白雲哀。人出陽關眼莫開。歲久髑髏吹作雪。隨風還上望鄉臺。

靈武

南內歸來玉壘涼。為兒祝看帝衣裳。願兒只學官鸚鵡。

柳手握難忘玉殿風。白髮一生春夢遠。青天一望慶雲空。陰鄉侯去黃羊冷。腸斷南陽老敬通。



樣長向風前問上皇

山居

草草亭臺布置餘。今年真个愛吾廬。牙籤都放西廊下。自有斜陽來曝書。  
穿林繞磴探青霞。空翠無聲染葛紗。笑撲衣裳似蝴蝶。半粘竹粉半松花。  
客秋此日正長途。萬里歸來猿鶴呼。半夜松濤聲作雨。尚疑飄泊在江湖。

侵曉

侵曉巴童太喫虛。風雷夜濕北窓書。小池陡長一犁



雨漂出我家紅鯉魚

消夏詩十二首書扇寄何孝廉

不著衣冠近半年。水雲深處抱花眠。平心自想無官樂。第一驕人六月天。

小悼亡七首選三

姬陶氏亳州人。從禮而靜。工棋善繡。癸亥來歸。生一女名成兒。今年八月四日病亡。

孤花一樹晚風凋。宛若神君未易招。十二年來涼月色。照人春夢盡今宵。

開箱遺墨。簪花不見彈棋指。爪斜惟有。悅。擘針線。

迹壓郎腰下尚鮮華

琴聲不奏楚明光。夢短從來恨轉長。腸斷左家嬌女小。麻衣低掃一簾霜。

題李後主百尺樓

黃花水小雨潺潺。南國樓臺夕照間。如此長江被量去。當年還唱念家山。

藥號牽機出禁宮。此人又似不相容。檀來歌罷江山穩。只合全家哭世宗。

金字心經手自焚。命燈竿斷九霄雲。無情最是西天佛。送過蕭梁文選君。



遊仙詩

當年足下看雲生。三疊琴心道已成。誤寫上清蝌蚪字。一篇真誥不分明。  
風引三山境。寂寥碧天吹斷水。精簫關心子晉顏。如玉身。隔雲屏。手亂招。  
迢迢白練耿秋河。織女重來恨已多。八萬六千明月。戶不知何處認嫦娥。  
東海塵揚阿母家。年來勾漏少丹砂。有人手執青鸞尾。獨立蓬山掃落花。

海棠詞六首選三

東風儘力送紅潮。人自消魂雪自飄。不信天孫織雲錦。年年都挂此花梢。  
聽得流鶯向曉催。撥簾紫玉已成堆。生愁夜半成烟去。自取銀燈照幾回。  
我亦曾披宮錦行。昏昏春睡不分明。輸他花上金衣鳥。裹着紅雲過一生。

春日雜詩

千枝紅雨萬重烟。畫出詩人得意天。山上春雲如我懶。日高猶宿翠微巔。  
水竹三分屋二分。滿牆薜荔古苔紋。全家雞犬分明。



在世。上。遥。看。但。綠。雲。  
萋萋芳草遍春潭。深院無人綠更酣。何處一聲清磬響。斷峰西去有茅菴。

答望山相公見懷

絢春園費幾平章。老去看花興倍長。料得手栽非小草。舜葱堯韭禹餘糧。

金川門

金川門外水雲寒。道是燕兵渡此灘。狎客名儒同誤國。君王真个用人難。

潘妃

玉釵生自劈楞伽。尼子歸來步步花。怎不荆條加苦手。教人好好作官家。

玉環

可惜雲容出地遲。不將調語訴人知。唐書新舊分明在。那有金錢洗祿兒。

題樹齋贈別胡郎詩後

聽唱驅歌別阿儂。搖鞭無奈管絃終。桃花昨夜相思淚。背着春山獨自紅。

春日得絕句十三首選七

兒女輪流各賞春。酒杯終日對花傾。高堂戒我無他



出阿母明朝作主人  
 静坐溪頭學釣翁。蜻蜓數遍水光中。幾條金線忽搖  
 曳。楊柳比人先覺風。  
 幾株魏紫報花開。鎮日鞭絲帽影來。笑語牡丹君累  
 我。今朝送客已干回。  
 風雨多時易落英。陽烏如火可憐生。遙知花意同人  
 意。只乞春陰不乞晴。  
 認取春泥記笋梢。自驅黃鳥管櫻桃。不曾聞着絲綸  
 手。何必蓬山釣六鰲。  
 春宵夢醒月華涼。窗外花開窓內香。花似有情來作。

別半隨風去半升堂  
 一枝桃插膽瓶斜。未許春歸到別家。攔路蜜蜂狂太  
 甚。公然來采手中花。  
 到蘇孀女出見喪服將終而年才十九傷懷口  
 號  
 漠漠風寒錦瑟絃。飄飄髮尚垂肩。傷心三載成霜。  
 女還是人家未嫁年。  
 楊花曲 河南道上作  
 清明二月洛陽堤。滿路楊花踏作泥。一片春痕萬里  
 雪。有人迎着上遊西。



蕭蕭落日點蒼苔。歌罷銅鞮玉笛哀。畫出春如遊蕩。  
子風斜雨細不歸來。  
枝頭小住最關情。廿四番風各自驚。化作浮萍終聚。  
會不知儂可有來生。  
相對茫茫我欲愁。蕭郎新曲唱涼州。江南此際珠簾。  
影難免。飛花入畫樓。

馬嵬

莫唱當年長恨歌。人間亦自有銀河。石壕村裏夫妻。  
別淚比長生殿上多。



蕭蕭落日照蒼苔。破罷銅鞮玉笛哀。盡出春如遊蕩。  
子。風斜雨細不歸來。  
枝頭小住最關情。廿四番風各自驚。化作浮萍終聚。  
會。不知儂可有來生。  
相對茫茫我欲愁。蕭郎新曲唱涼州。江南此際珠簾。  
影。難免飛花入畫樓。

馬鏡

莫唱當年長恨歌。人間亦自有銀河。石壕村裏夫妻。  
別。淚比長生殿上多。



